

再版
第二册

高級
小學
歷史課本

上海
土山灣
印書館
印行

No 735-2



高級小學歷史課本第二冊

目錄

第一課	南朝	宋齊	見一頁
第二課	南朝	梁陳	見五頁
第三課	北朝	後魏	見十一頁
第四課	北朝	東西魏	見十四頁
第五課	北朝	周齊	見十七頁
第六課	隋		見廿一頁
第七課	唐上		見廿四頁
第八課	唐下		見廿九頁
第九課	五代	梁唐晉	見三五頁
第十課	五代	漢周	見三八頁
第十一課	十二國		見四十頁
第十二課	宋		見四五頁
第十三課	南宋		見四九頁
第十四課	遼金夏		見五二頁

附地輿簡圖

第十五課	元	見五七頁
第十六課	明	見六三頁
第十七課	清	見七〇頁
第十八課	中華民國	見八一頁
第一圖	南北朝圖	見九三頁
第二圖	隋代疆域	見九四頁
第三圖	唐代疆域	見九五頁
第四圖	五代十二國	見九六頁
第五圖	宋代疆域	見九七頁
第六圖	遼金夏圖	見九八頁
第七圖	元代疆域	見九九頁
第八圖	明代疆域	見一百頁
第九圖	清代疆域	見一百一頁
第十圖	空白輿圖	見一百二頁

MG
G624.41

35



3 2173 8978 6

高級小學歷史課本 第二冊

歷朝統系下 自南北朝至中華民國



第一課 南朝 一百七十年（西歷四二〇至五八九年）

宋 五十九年（西歷四二〇至四七九年） 齊 二十三年（西歷四七九至五〇二年） 本課地名見第一圖

劉裕既篡，仍都建康。改號曰宋。是為南朝之首主。凡八世。文帝明帝好兵。輕舉土地。日削。孝武廢帝荒於酒色。行同桀紂。少帝蒼梧即位被弑。至順帝篡於蕭道成。而宋亡。歷年五十九。

高級小學歷史課本... 第二冊... 第一課... 南朝 宋齊

蕭道成盡殺宋宗室。國號齊。是為高祖。以儉化民。欲使黃金與土同價。繼之者武帝。勤政息民。尚稱令主。然晚年好游宴。國事以衰。明帝既弑鬱林海陵。而自立。高武諸子。復誅殺殆盡。東昏弑於蕭衍。和帝卒禪位而國亡。凡七主。歷年二十有三。

釋義

劉裕既篡奪了晉之帝位，仍舊建都在建康，改國號為宋，便為南朝第一個君主。共傳八代。文帝、明帝歡喜用兵，輕舉妄動，疆土漸漸剝削了。孝武帝和廢帝荒淫無度，嗜酒好色，種種行為，有同於夏桀商紂。及少帝與蒼梧王即位，即被人弑死。至順帝，被蕭道成迫逼讓位，宋朝就滅亡了，前後統計五十九年。

蕭道成把宋的宗族完全殺盡，改國號爲齊，便爲齊高祖。他崇尚儉樸，把這主義化尊百姓，要使人把黃金和泥土一樣看待。繼續他的爲武帝，也勤辦政治，安寧百姓，好算是一個好皇帝。可惜晚年歡喜遊宴樂，國家逐漸衰敗了。及明帝，名蕭鸞，最稱殘忍，弑了鬱林海陵兩王而自立，把高帝武帝的許多兒子，差不多殺完了。繼位的東昏侯洵是昏君，被蕭衍弑了。和帝卽了位僅一年，蕭衍逼他讓位，齊遂滅亡。共計傳了七代，前後只二十三年。

劉裕

見第一冊十六課劉裕條注，初封宋公，故國號曰宋。

建康

在今江寧縣，本楚金陵，秦改曰秣陵，西漢因

之。三國孫權建都於此，名曰建業。晉改業爲鄴，避愍帝諱，又改建康。

八世

一、武帝裕，在位三年。
二、少帝義符，在位一年。

徐羨之傅亮謝晦廢爲營陽王，遷於吳而殺之。
三、文帝義隆，在位三十年，綱維悉舉，戶口漸蕃，但心雄而力不量，輕舉北伐，六州被殘，卒爲逆子劭所弑。
四、孝武帝駿，起兵誅劭，旣卽位，放恣於酒色，行同桀紂，在位十一年。
五、廢帝子業，劣更甚於孝武，在位十八月，爲壽寂之所

弒。六、明帝或、在位八年、輕耀兵威、降臣復叛、以養子昱為太子、殺同

姓諸王二十餘人以立之、是為蒼梧王。七、蒼梧王昱既立、嘗自稱李

將軍、或晝臥道旁、或夜宿客舍、會七夕、偷狗醉歸、蕭道成使楊玉夫殺

之、在位四年。八、順帝準、亦諸王姬所生、道成迎立之。三年、道成令王

敬則勒兵入宮、逼以禪位。○蕭道成南蘭陵人、字紹伯、小字園將、既篡立、殺宋

清儉、主衣中有玉導、(主衣、主供御衣服、禁中有主衣庫、導、

笄屬)命碎之、每日、使我治天下十年、當使黃金與土同價。七

主 一、高祖道成、在位四年。二、武帝曠、在位十一年、勤政事、務大體、

百姓豐樂、盜賊屏息、晚年、好游宴華靡之事、常言恨之、未能頓道。

三、鬱林王昭業、猖狂無度、在位十三月、為蕭鸞所弒。四、海陵王昭

文、在位三月、亦為蕭鸞所弒。五、明帝即蕭鸞、高祖兄子、少孤、高祖撫

育過諸子、封西昌侯、廢海陵王而自立、性猜忌、高祖武帝諸子、誅殺殆

盡、在位五年。六、東昏侯寶卷、親昵羣小、市販交歡、呼奄寺為父兄、大

臣死於倉卒，人人不能自保。及蕭衍起兵，王國珍弑之於含德殿。

七、和帝寶融，在位一年，禪位於蕭衍，卒為鄭伯禽所殺，國亡。

設問

①何謂南朝。②宋共幾主，幾年。③宋主有道否。④篡宋者誰。⑤齊高祖為政何如。⑥齊武帝何如。⑦蕭鸞為誰，世稱其殘忍，何故。⑧齊共

幾主，幾年，禪位於誰。

第二課 南朝續

梁

五十五年（西歷五〇二至五五七年）

陳

三十二年（西歷五五七至五八九年）本課地名見第一圖

梁武帝蕭衍，齊之疏族也，博學能文，得國後，惑於佛法，而困於侯景。太子昭明早卒，繼位者簡文，元帝亦

俱好學，富於著述。然一則受制於景，一則見迫於魏。至敬帝，篡於陳霸先而國亡。凡四主，歷年五十五。霸先既篡，改號曰陳。奉身儉約，爲政寬簡，但捨身事佛，有同梁武。侄文帝知民疾苦，明察儉約。及宣帝遂廢帝而自立，宴游沈湎，師敗國蹙。至後主耽於酒色，不恤政事，降於隋而國亡。凡五主，歷年三十二。

合宋齊梁陳統計一百七十年，史稱之曰南朝。

釋義

梁武帝蕭衍，原是齊的遠族，學問很博，善作文章，得國以後，迷信佛法，竟被侯景圍困，餓死在臺城。他的太子昭明，又聰明，又仁孝，可惜早死了。繼續卽位的，是武帝的第三子簡文帝，和第七子元帝，都是歡喜讀書，著作也很多。但簡文帝在建康接了位，也被侯景壓制，繼而廢黜。元帝就在江陵卽位，又被魏人殺了。元帝的第九子敬帝在建康接了位，遂被陳霸先逼迫禪位，梁亦亡了。共傳四代，總計五十五年。

陳霸先篡位之後，國號改稱爲陳。他的一身，十分儉樸，政治寬大而簡要。無奈如同梁武帝迷信神佛，捨身爲和尚。死了沒有兒子，他的侄兒文帝接位。文帝深知民衆痛苦，爲人明察而儉樸。及他的兒子廢帝卽了位，就被文帝的弟宣帝逐出而自立。宣帝歡喜遊玩吃酒，出戰時常遭失敗，國家就衰落了。他的長子後主卽位後，貪酒好色，不理政事。及隋人打進建康，便投降而國亡了。共傳五代，只有三十二年。

宋齊梁陳四朝，統計一百七十年，歷史上稱爲南朝，爲的北方拓跋魏也立有朝廷，稱爲北朝。

蕭衍

南蘭陵人，字叔達，小字練兒，與齊同族。仕齊都督軍事，鎮襄陽。其兄懿有功，被讒憐而死，乃起兵圍建康，弑齊主，篡帝位。帝孝

慈恭儉，博學能文，草隸圍棋，無不精絕。重儒立學，設肺石函，置孤獨園，

初政可觀。繼惑於佛，三度捨身同泰寺，禁文綺人獸形，以麵爲牲。晚年，

侯景反，攻陷臺城，帝餓死。死時，口苦，索蜜

不得，再曰：「荷荷，佛何無靈，不來救苦哉。」

昭明太子

名統，字德施，小

字維摩，生而聰慧，五歲過讀五經。東宮有書三萬卷，引納賢士，相與商

榷古今，一時名才並集。秉性寬和，明於庶事，平斷法獄，多所全宥。天下

稱仁。年三十一而卒。諡昭明。有文集，及文章英華等書。所撰文選三十

卷，自唐以來，爲世所重。○太子三子蕭譽，封岳陽王，侯景篡位時，譽與

元帝繹彼此攻殺。譽求援於西魏，魏殺繹，取江陵，令譽稱帝。改元，是爲

後梁，在位八年。子歸，在位二十三年。琮，在位二年。隋併其地而後梁亡。

四主

一、高祖衍，四十八年。二、簡文帝綱，既卽位，受制於侯景，空存天子之名。景自稱宇宙大將軍，廢帝幽之，卒王偉醉之酒，以土

襄歷死，在位二年。帝六歲能文，辭致精美，讀書十行並下，九流百氏經目必記，篇章詞賦，操筆立就，著述甚富，都六百五十九卷。三、元帝釋初封湘東王，侯景既僭立，帝合王僧辯平之，卽位江陵。請老子於龍光殿，百官戎服以聽。魏人百道攻城，帝猶口占爲詩。及城陷，焚古今圖書十四萬卷，嘆曰：讀書萬卷，猶有今日。尋爲魏人所殺，在位三年。帝自幼盲一目，不好聲色，工書，善畫，能文，時人謂之三絕，著述多至四百三十卷。四、敬帝方智，元帝被殺後，帝入建康卽位。在位三年，陳霸先廢爲江陰王，國亡被弑。

○陳霸先 吳興人，字興國，小字法生。梁簡文帝既廢，霸先率諸軍討侯景破之，進爵陳王。尋受敬帝禪國號陳，都建康。奉身儉約，爲政寬簡，但捨身事佛而絕嗣，亦梁武之儔也。

五主 一、武帝霸先，在位三年。二、文帝蒨，武帝侄也，起自艱難，知民疾苦，性明察儉約，一代令主，在位七年。三、廢帝伯宗，文帝子也，立僅二年，宣帝廢之。四、宣帝頊，文帝弟也，初陷於長安，及返，文帝欲立爲太子，頊固辭。及廢帝立，乃攘之以有天下。五后

並竄。羣宦專權，宴游沈湎，貪地好兵，師敗國蹙，在位十四年。五、後主宣帝長子，名叔寶，荒於酒色，不恤政事，起臨春、結綺、望仙三閣，日與妃嬪狎客游宴其中，賦詩贈答，自號無愁天子。隋師至，猶奏伎行樂，縱酒賦詩不輟。及俘獻長安，願得一官號，隋文帝曰：叔寶全無心肝。在位六年，卒於隋仁壽四年。贈長城縣公，諡煬。

設問

○梁首主為誰，初政何如。○梁武帝捨身何寺，何如死。○昭明太子何如人，選有何書，為世所重。○簡文帝元帝，為人何如。○梁末主為誰，降於誰。○何謂後梁，都何處，為誰所滅。○陳霸先為誰。○陳文帝為政何如。○陳之敗國者誰。○陳後主何如人，降於誰。

第三課

北朝

(一) 起魏太武帝延和元年，至隋一統，凡一百五十八年。(西歷四三二至五九〇年)

後魏

一百四十九年(西歷三八六至五三四年)本課地名見第一圖

後魏別於曹魏而言也。亦曰元魏。其先曰代。滅於苻堅。越十年，道武帝拓跋珪復起，國勢日盛。二傳至太武帝，盡併北方諸國，獨與南朝對立。史家謂之北朝。凡十四主。英明昏庸者參半。孝莊以後，廢立一由權臣。及孝武帝，修迫於高歡，西奔長安，依宇文泰，國乃分裂。凡百四十九年。而江南半壁，已四易國姓矣。

釋義

北朝起初稱為後魏，因為先前有過三國時的曹魏，在第一冊第十三課上講過的。後魏原姓拓跋，後有孝文帝改姓元，所以也稱

元魏。魏的先世，是東晉時封作代王，被苻堅滅去的。滅了十年，道武帝拓

跋珪又興起了，國內的勢力，一天盛一天。傳到太武帝名喚濬的，把北方

許多小國，即第一冊十八課譯的北燕北涼夏等國完全滅了，獨自與南朝並立，歷史家稱他為北

朝。共計有過十四個君主，其中英傑聰明的也有，糊塗庸碌的也有。孝莊

帝以後，國主的勢力衰了，廢立都由權臣作主。到了孝武帝修的時候，被

權臣高歡壓迫，便向西逃到長安去，投靠宇文泰，於是高歡又立一個帝，

一國就分作東西兩國了。後魏共計一百四十九年，其時江南已經改換

了四個國號，宋齊梁陳，便是上二課講的。

元魏

魏原拓跋氏。孝文帝宏自平城（今山西大同縣）遷至洛陽，改姓元，故曰元魏。

代

參閱第一冊第十八

課拓跋魏條注及附考之什翼犍條。

十四主

珪、嗣、燾、余、濬、弘、宏、恪、詡、攸、暉、恭、朗、修、一、道、武、帝、珪、（什翼犍孫）據平

城稱帝後，恢拓中原，留心經術，制度規模，夙絕一時。但荒於色慾，殺人奪妻，生子紹，卒爲所弑，在位二十三年。二、明元帝嗣，誅紹自立，力行孝道，有足稱者，在位十五年。三、太武帝燾，滅北燕，併北涼，平夏寇，宋武烈赫然。又信任崔浩，不事胡神，凡塔廟之在境者，盡滅無遺。但殘酷太甚，卒爲常侍宗愛所弑，在位二十八年。四、南安王余，宗愛立之，宗愛弑之。五、文成帝濬，不興師旅，國賴以安，在位十四年。六、獻文帝弘勤於爲政，賞罰嚴明，然惑於黃老浮圖，常有遺世之心，太子宏五歲，以位傳之，卒爲太后馮氏鳩死，在位五年。七、孝文帝宏（一作顥），遷洛陽，改姓元氏，儉約寬慈，制作明備，好讀書，五經百家，無不淹貫，文章詩賦，隨興輒作，有時馬上口授，及成，不改一字，在位二十九年。八、宣武帝恪，不修國政，造佛寺一萬三千，魏業以衰，在位十六年。九、孝明帝詡，沖齡嗣位，胡太后肆虐，六鎮俱叛，封疆日蹙，在位十二年。十、孝莊帝子攸，爾朱榮所立，尋以誅榮爲榮子兆所弑。十一、兆旣弑子攸，立敬帝暉，爾朱世隆則立節閔帝恭，而廢敬帝，僅一年，恭爲高歡所

廢而被弑。十三、歡既弑恭，立廢帝朝。六月，復廢之而立武帝修。十四、武帝修立二年，高歡反，帝奔長安，就宇文泰。又一年，為泰所弑。

設問

○何謂後魏，何謂元魏，其先為何國。○後魏始祖為誰，何時始稱為北朝。○後魏幾主，英明者誰。○魏主誰廢佛法，誰興之。○魏末擅廢立者誰。○魏何時始分裂。○後魏歷年若干。

第四課 北朝(二)

東魏

十六年(西歷五三四至五四九年)

西魏

二十二年(西歷五三六至五五六年)本課地名見第一圖

魏孝武既奔長安，高歡乃立孝文孫善見，曰孝靜帝。

都洛陽，是爲東魏。歡卒，子洋使羣臣請禪，孝靜乃下御座，乘犢車出，禪位於洋。東魏亡，凡十六年。

宇文泰旣弑孝武，立孝文曾孫寶炬，都長安，曰文帝。帝聰明英毅，然軍國大事，一歸於泰。在位十七年而崩。子欽立，僅三年，泰廢而弑之，立欽弟廓，曰恭帝。復姓拓跋氏。在位四年，禪位於泰子覺，而被弑。西魏亡。凡三主，二十二年。

釋義

魏孝武到了長安去，高歡就立孝文帝的孫子名善見，稱爲孝靜帝。建都在洛陽，史家稱作東魏。高歡死後，他的兒子高洋使一衆

臣子請孝靜帝禪位。孝靜帝乃下了御座，坐著牛車出走。高洋遂登帝位，東魏就此亡了，共計十六年。

孝武帝西奔之後，便稱西魏。僅三年，宇文泰弑了孝武，立孝文帝的曾孫寶炬，建都在長安，稱為文帝。文帝聰明而有英雄氣概，無奈軍國大權都操在宇文泰一人手裡。文帝在位十七年，兒子名欽，即位之後，不過三年，宇文泰就把他廢去弑死，立欽弟廓，為恭帝。恭帝復取祖上的舊姓曰拓跋氏，在位四年，便禪位於宇文泰的兒子名覺的，繼而被弑，西魏乃亡。共傳了三個帝主，統計二十二年。

高歡

舊音條，今河北景州人，字賀六渾。爾朱兆弑孝莊帝，（見上課）歡起兵討之，擁立孝武帝，自為丞相，專權。孝武謀伐之，歡擁兵

至洛陽，帝西奔，依宇文泰。歡立孝靜帝，與泰相攻戰，機權變化，法令嚴肅，文武樂為之用。及子洋篡東魏，追尊為高祖，神武皇帝。

高洋

見下課。

下御座

帝既下座，步就東廊，口咏後漢書獻帝贊曰：獻生不辰，身播國屯，終我四百，永作虞賓。

宇文泰

武川人，小名黑獺，仕後魏，為關西大都督。高歡反，孝武西奔，依之。尋有隙，泰弑之而立文帝。其子覺既篡西魏，追尊為太

祖文
皇帝

宇文覺
見下
課

設問

①何謂東魏、孝靜帝為誰所立、禪位於誰。②高歡何如人、曾廢立若禪。③何謂西魏、都何處、共幾主幾年。④宇文泰何如人、誰受西魏

第五課 北朝 (三)

北齊

二十八年(西歷五五〇至五七七年)

北周

二十四年(西歷五五七至五八〇)本課地名見第一圖

高洋受東魏禪，國號曰齊。耽酒淫暴，甚於桀紂，在位

十年，謚曰文宣。傳殷、演、湛、緯、恒。凡六主，歷年二十八，而滅於北周。

宇文覺篡西魏後，改號曰周。僅九閱月，遜位於宇文毓，而被弑。繼毓者曰邕，併北齊。繼邕者曰贊，曰闡。闡禪位於隋，而北周亡。凡五主，計二十四年，併北齊者四年。

釋義

高洋受了東魏的帝位，改稱國號曰齊，喜飲酒，荒淫暴虐，比之桀紂尤甚，在位十年乃死，謚法稱文宣。繼續為帝的，有殷、演、湛、緯、恒五人，共六個帝主，歷二十八年，即為北周所滅。

宇文覺篡奪西魏之後，改國號曰周，僅九個月，就讓位於宇文毓而被他弑死。繼續宇文毓的，為宇文善，把北齊的地方完全併了下來。繼續善的，為贊和闡。闡在位二年，便禪位於隋高祖楊堅，周遂滅亡。共計五帝主，先後二十四年。併吞北齊後，只四年而已。

高洋

高歡次子，少有大度，外柔內剛，理劇處繁，終日不倦。東魏孝靜帝時，累封齊王，尋廢帝而自立。初卽位，留心治術，威震戎夏。六

七年後，以功業自矜，流連沈湎，肆行暴虐，酷濫不可勝紀。諡曰文宣。

甚於桀紂

時典御丞李集面諫，比之桀紂。

文宣令縛置流中，久之引出，謂曰：我何如桀紂？曰：彌不及矣。又沈之，引出，更問者數四，集對如初。文宣大笑曰：天下有如此癡人，方知龍逢比干，未是俊物，釋之。

六主

一、文宣帝洋，在位十年。二、文宣子廢帝殷，在位不一年，弟高演廢之。三、孝昭帝演，弑兄自立。

在位一年。四、武成帝湛，文宣弟，孝昭死，遺詔立之。在位四年，淫暴無度。傳位太子緯，自稱太上皇，以逍遙行樂。五、後主緯，在位十二年。

亦驕縱無忌，傳位太子恒。六、幼主恒，甫即位，周師至，遜位於周，送長安被殺。

封周公。泰，兄子宇文護，以魏主詔禪位於覺。護專權，覺謀誅之，遂為護所弒。

明帝毓，宇文護所立。在位四年，護弑之，立其弟邕。三、武帝邕既立，朝

權歸護，帝以玉珽擊殺之。禁釋道，除淫祠，崇節儉，省妃嬪。數年間，平齊

擒高緯，功亦烈矣。在位十八年。四、武帝子宣帝贊，為太子時，游戲無

度。總管王軌嘗侍宴，揖武帝，贊曰：「可愛好老公，但恨後嗣弱耳。」及即位，

殺王軌，又忌叔父宇文憲，平齊功，殺之。自稱天元皇帝，所居稱

天臺。傳位太子闡，聲啞而死。五、靜帝闡，在位二年，禪於隋。

設問

① 高洋何如人，國號曰齊，何故？
② 北齊幾主，幾年，有一令主否？
③ 北齊滅於誰？
④ 宇文覺何如人，國號曰周，何故？
⑤ 北周幾年，幾主，較賢

之主為誰？
⑥ 周宣帝何如人。
⑦ 周滅於誰，併齊者幾年。

第六課

隋

三十八年（西歷五八一）至六一八年）本課地名見第二圖

隋高祖楊堅，以外戚當政，僅九月，迫北周帝遜位，都長安，是爲文帝。時南朝陳主驕侈，興師滅之，南北復統一。傳子煬帝，好大喜功，不恤民生，天下復大亂。繼之以恭帝，曰侑，曰侗，轉瞬禪位而隋亡，歷年三十八。論史考古者，多以隋擬於秦焉。

釋義

隋高祖楊堅本是北周的外戚，操了政權，僅九個月，就壓迫周靜帝讓位，建都在長安，是爲文帝。當時南朝の後主陳叔寶放縱無

道文帝乃起兵滅了他。南北從此統一了。傳位給他的兒子煬帝。煬帝好作大工程，起大事業，不顧民生的艱苦。天下從此大亂了。繼續為帝的，為文帝的孫子名侑，名侗的，兩人都稱恭帝。一轉眼間，侑禪位給李淵而隋亡了，共計三十八年。後來論世考古的人，多說隋朝好像秦朝一般，功業很大，志氣很高，而為國很短促。

楊堅

堅，華陰人，小名那羅延。仕北周為相國，為周靜帝外祖。初封隨公。旋廢帝而自立，改號為隋。亡梁，滅陳，功亦烈矣。但惑於獨孤

后，廢太子勇而立廣，卒為廣所弒。在位二十四年，廟號高祖。

煬帝

文帝第二子，名廣。文帝衰疾，以廣無道，欲廢之，廣遂

弒文帝，殺兄勇。既即位，築西苑，週二百里，剪綵為花，窮極奇麗。開江南河，邗溝，通濟渠，永濟渠，築長城，所役人民，以千萬計。自長安至江都，置離宮四十餘所。南巡江都，挽龍舟者八萬餘人，照耀川陸。北巡榆林，呼韓稽顙。諸番入市，百戲雜陳，糜費動輒萬萬。再伐高麗，喪軍徒百萬。於是海內騷然，盜賊蠭起。終不自安，乃引鏡照曰：好頭頸。誰當斫之。言未已，而宇文化及即行弒焉。在位十二年。

恭帝

煬帝

既弒李淵克長安立文帝孫侑侑在位一年禪位於淵侗亦文帝孫洛陽留守奉之卽位洛陽在位二年王世充遣人鳩之侗請與太后訣不許乃布席禮佛曰願自今以往不復生帝王家飲藥不能絕以帛縊殺之

天下大亂

齊郡主簿孟讓清河張金

稱平原郝孝德河間洛謙渤海孫宣雅東海民彭孝才餘杭劉元進等等不可勝計羣起為盜多者十餘萬少者數萬人禮部尙書楊玄感反於黎陽其僭稱帝王為唐所滅者見下課

設問

○篡北周者誰○隋文帝稱為周之外戚何故○何謂隋文帝統一中國○文帝在位幾年為誰所弒○煬帝何如人何故謂之曰好大喜功○煬帝在位幾年為誰所弒弒於何處○二恭帝為誰誰立誰弒○赫赫隋業共歷幾年何故史家擬之於秦

第七課

唐上

二百九十年（西歷六一八至九〇七年）本課地名見第三圖

唐高祖李淵用秦王世民言乘亂起兵掃除隋室擊夏楚降梁鄭滅燕涼俘仁杲芟武周翦黑闥六年之間功成一統定都長安太宗弱冠親陣所向無前在東宮時開館以延賓客十八學士號登瀛洲及卽位二十四人輔天弘化在朝蹒蹒在野皞皞縱囚來歸幾於刑措胡越一家自古未有自漢以來數百餘載中國復見盛治唐業偉矣。

釋義

唐高祖李淵聽了他的兒子秦王李世民的話，趁亂起兵，推翻了隋朝。那時小國甚多，曰夏，曰楚，曰梁，曰鄭，曰燕，曰涼，又有薛仁果、劉武周、劉黑闥等，都是隋末起反自立的。唐高祖都把他們滅的滅，降的降。六年之中，就把南北統一的大功告成了，立都在長安。

唐太宗少年時代，就親臨戰陣，到處莫敵。他在東宮做太子的時候，另闢一館，招待賓客。當時有十八個學士，常在他的館中，人家羨慕他們，說他們登源洲了，就是說上了仙境模樣。及太宗卽了位，有二十四個賢人，幫他施行行政化，朝廷上十分興盛和睦，百姓也十分安樂。他把牢獄中的囚徒放了去，到了定期，囚徒又都自己回到牢獄中來了。那時候犯法的人少，刑罰幾乎用不到。天下太平，南北併成一家，真是從古以來沒有見過的。自漢朝統一以後，經了數百餘年的擾亂，又有這樣的太平，唐朝的功業，真是偉大得極了。

唐高祖

唐共二十一主，曰高祖、太宗、高宗、武后、中宗、睿宗、玄宗、肅宗、代宗、德宗、順宗、憲宗、穆宗、敬宗、文宗、武宗、宣宗、懿宗、僖宗、昭

宗昭宣亦曰哀帝。

李淵

字叔德，隴西成紀人。西涼李暹七世孫。一冊第十八課西涼條注。襲封唐公。仕隋為

太原留守。會天下盜起，世民知隋必亡，陰與劉文靜謀舉大事。淵未之知也，因酒酣告之。淵大驚懼，事發當誅，遂起兵。

世

民

淵次子，勸高祖起兵。征服四方，成一統業。世民之功居多。初封秦王，及兄建成敗，立為太子。繼高祖有天下，為有唐極盛時代。史稱

貞觀之治。

擊夏楚

夏竇建德，楚朱粲。竇建德，漳南人。隋末，自稱夏王。及隋恭帝侗被王世充廢，遂稱帝。國號夏。秦王

世民伐竇，建德發兵助竇，軍敗，被獲，斬長安市。其妻奉山東地降。○朱粲，城父人。隋末，亡命為盜，渡淮剽掠，僭號楚帝。所至殘戮無遺。兵敗，奔

王世充，卒被斬洛水上。

降梁鄭

梁梁師都，鄭王世充。○梁師都，朔方人。隋亂，聚眾為盜，據朔方。聯兵突厥，自為梁國。

卒為其從父弟洛仁斬以降。○王世充，西域人。捲髮豺聲，多詭詐。隋煬帝數幸江都，世充為郡丞，善候顏色。天下亂，帝以世充領兵，數破賊。宇

文化及弒煬帝，世充立恭帝侗，遂自稱鄭王。尋廢侗，僭即帝位，為唐兵所敗而降。至長安，為仇人所殺。

滅燕涼

高燕

開道、涼李軌。○高開道，信陽人，隋末，與黨百餘人亡海曲，出剽滄州，衆稍附，陷漁陽，那有之，自稱燕王。唐興，羣盜相繼平，開道自殺。○李軌，姑臧人，隋末，據河右，以觀天下變，自稱大涼王。旋僭帝號，後爲安修仁等執送長安，斬之。

俘仁杲

仁杲，薛舉子，舉金城

人。隋末，與子仁杲起兵，自號西秦霸王，盡有隴西地，衆十餘萬，遂僭帝號於蘭州。秦王世民禦之，大敗，舉謀乘勝直趨長安，方行，病死，仁杲立。秦王率諸將壁高墟，閉壁以折之。久之，仁杲糧乏，挑戰不許，遂降。秦王以仁杲歸京師，斬之。

芟武周

劉武周，景城人，徙居

馬邑，爲鷹揚府校尉，殺太守王仁恭，附突厥，僭稱帝，侵據并州。秦王以精騎突擊破之，武周奔突厥，未幾，謀歸馬邑，突厥殺之。

翦黑闥

劉黑闥，漳南人，附竇建德爲將，建德敗，自號漢東王，都洛州。秦王世民下相州，黑闥衆潰，奔突厥，旋復入寇，世民督兵進

頻戰皆捷。黑闥遁，卒爲諸葛德威執，詣世民所，斬之。

十八學士

唐太宗起文學館，收聘賢才，以杜如晦、房玄齡

等十八人，並為學士，命閣立本圖像，褚亮為贊，藏之書府。時人傾慕，謂之登瀛洲。

二十四人

太宗圖功臣形

於凌烟閣，自長孫無忌，至秦叔寶等二十四人。

縱囚

帝親錄囚，見應死者憫之，縱使還家，期以來秋就死，仍飭天下死囚

皆縱遣。來秋悉如期自詣，無一人亡匿者，帝皆赦之。

胡越一家

帝置酒未央宮，命突厥南蠻等歌舞，笑曰：胡越

無有也。自古

設問

①唐之興，誰功最多。②唐高祖因何起兵。③唐初興，平降若干國。

④太宗朝，政治何如。何謂貞觀之治。⑤太宗何故縱囚，縱後何如。⑥何謂胡越一家。

第八課 唐(下)

太宗歿，高宗繼立，賢良相輔，有貞觀之風。及武氏專政，改唐爲周，李氏之祚幾絕。諸臣策畫，復唐業而後，宮闈禍起，宦寺竊權，藩鎮背離，夷狄寇擾，乘輿頻播，遷國本已搖，及黃巢作亂，大勢盡去。二百九十年之運遂移，入五代十一國之世。

釋義

唐太宗死後，高宗即位，仍有許多賢臣扶助，仍有太宗時候的風氣。及武則天專政，把唐朝改作周朝，李氏的國祚，幾乎絕滅。幸有許多大臣勸策，恢復了唐朝的帝業，不料宮中又發生了一件大禍。是後，朝內太監專權，京外藩王反叛，外國夷狄屢來侵犯，以致帝主時常奔逃。

國家的根本早已動搖了。及到黃巢作亂，大勢全去，那二百九十年的國運，就此移動了。中國又亂，成了五代十二國的世紀。

高宗

太宗第九子，太宗命長孫無忌，褚遂良受顧命曰：朕佳兒住婦，悉以付卿。二人同心輔政，故高宗初政，頗類貞觀。

武氏

武氏則天，太宗才人名嬰，賜號娥媚娘。太宗崩，出為尼，高宗見而悅之。王皇后陰令其長髮，納之後宮，帝大幸之，拜為昭儀。未

幾，廢王皇后，冊武氏為后。高宗崩，中宗立，武后廢之，立且。尋復廢且，自稱制，改國號周，恣為淫虐，大殺唐宗室。任用酷吏來俊臣等，脅制羣臣，前後夷千餘族。然富於權畧，善用人，故名相輩出。

諸臣策畫

武后性淫，張易之、張昌宗、美姿容，皆得幸，與諸

武用事。於是張柬之、崔元暉、敬暉、恒彥、範、袁恕己五人，誅二張及其黨，復中宗位。遷武后於上陽宮。五人封王，人稱五王。

宮

闖禍起

初，中宗廢在房州，與后韋氏同艱苦。及中宗復位，韋后預政，與武三思（則天姪）通。既而三思為太子，重俊所誅，太子

亦為左右所殺，韋后乃與馬秦客、宗楚客通。進毒餅餚中，帝崩。韋后立溫王重茂，自攝政。如武后卒，臨淄王隆基謀匡復，捕韋后及諸韋，皆斬

之。勸父旦復卽尊位，是爲睿宗。立三年，禪位隆基，自爲太上皇。

宦寺竊權

玄宗時，高力士有功，寵任極專，肅宗

在東宮，以兄事之。是時，李輔國侍皇太子，卽肅宗。安祿山反，玄宗走成都，至馬嵬，輔國勸太子分中軍趨朔方，收河隴兵，圖興復。至靈武，勸太子卽帝位，是爲肅宗。遂尊玄宗爲太上皇。及帝還京，輔國擅權用事。肅宗疾，張后欲立越王係，輔國殺后并係，而立代宗，愈跋扈。帝遣俠者夜刺殺之。程元振與李輔國討難，同有功，得顯爵。忌郭子儀、李光弼等功，數譖之，方帥解體。吐蕃入寇，詔徵諸道兵，諸將皆忌元振，莫有至者。卒以柳伉疏請，赦歸田里。元振旣去，魚朝恩復恃勳恣橫，求取無厭。憲宗時，則有王守澄，帝喜方士，服柳泌藥，數暴怒，守澄與內常侍陳弘志弒帝，以暴崩告，援立穆宗。文宗朝，有仇士良，虐暴甚於寇盜。文宗爲所制，鬱鬱不樂，以致大漸。嘗殺二王，一妃，四宰相，貪酷者二十餘年，卒以乞罷疾卒。僖宗卽位，政事一委之於田令孜，呼之爲阿父。黃巢陷東都，令孜奉帝幸成都。賊平還京，李克用請誅令孜，令孜劫帝

奔興元。楊復恭定策立昭宗，遂擅權，樹養子六百餘人，謀作不軌，卒被殺。昭宗時，有劉季述，帝怒責左右不常，季述自危，謀廢帝，囚之少陽院，欲盡誅百官，乃弑帝。孫德昭伏士執季述杖殺之，迎帝復位。韓全誨繼劉季述而起，憑勢恣暴。朱全忠入討，全誨挾帝，西幸鳳翔。全忠攻鳳翔，圍城急，帝乃斬全誨，以謝全忠。全忠挾帝還京。

藩鎮背離

立宗時，胡人安祿山反，陷京師，帝奔蜀。祿山自

稱雄武皇帝，國號燕。險年，為子慶緒所弑，是為藩鎮叛離之始。史思明附祿山，畧定河北。安慶緒襲位，思明復併其衆歸於朝，外順命而內通賊，益募兵，僭號稱帝。卒為子朝義所弑。德宗時，田悅僭稱王，國號魏。李納自稱齊王。李希烈破汴，即皇帝位，國號楚。王武俊自稱王，國號趙。姚令言奉詔討李希烈，督兵過京，軍變，帝出奔奉天。（即今乾縣。）令言奉太尉朱泚為皇帝，號大秦。泚弟滔亦僭國號曰冀。朱泚圍帝奉天，李懷光引兵解圍，欲見帝，相廬杞沮之，遂亦反。及李晟平泚，收復京師，諸叛者，或歸命，或被殺。憲宗時反者，劉闢、李錡、王承宗、盧從史、吳元

濟。僖宗幸鳳翔，朱玫劫襄王煜，奉爲帝，自號大丞相，專決萬機。李昌符擁兵燒行宮，攻大安門。昭宗時，王行瑜、李茂貞、韓建，時稱三鎮，各稱兵犯闕，帝奔華陰。（餘見第十一課十二國注。）

夷狄寇擾

代宗時，吐蕃入寇，西北數十州相繼淪沒，邈京

師，帝奔陝州。吐蕃立廣武王承宏爲帝，改元，置百官。郭子儀等敗退之。○德宗時，吐蕃尙結贊復大舉入寇，京城戒嚴。李晟將王泌敗走之，仍侵擾他州，禍連數十年。

乘輿播遷

安祿山反，玄宗奔成都。吐蕃內侵，代宗奔陝州。朱泚反，德宗奔奉天。黃巢

陷兩京，僖宗奔成都。李克用請誅田令孜，令孜挾帝奔興元，復奔寶雞。李茂貞欲挾帝，昭宗奔華陰。朱全忠請誅韓全誨，全誨挾帝奔鳳翔。全誨誅，全忠挾帝還京，復遷之於洛陽。

黃巢

巢，世鬻鹽，富於資，喜養亡命。僖宗時，王仙芝起事，巢募衆應之。未幾，仙芝敗，巢

攻掠諸州，乘勢取洛陽，破潼關，陷長安，帝奔蜀。巢稱齊帝，爲李克用所破，自刎死。巢將朱溫降，賜名全忠，以功封梁王。卒挾昭宗至洛陽，弑之。

立昭宣帝，一曰哀帝，復弒之，唐祚遂移。

設問

①武則天何如人，何如得立為后，為后後何如，其權畧何如，卒為誰所除。②韋后初何如，繼何如，終何如。③玄宗何故出奔成都，出奔後，誰立為帝，立於何處。④唐代宣寺之弄權者若干人，弄權情形如何。⑤唐代藩鎮之叛離者若干人，其畧可得聞乎。⑥唐代夷狄寇擾何如。⑦唐代乘輿播遷者幾次。⑧滅唐者誰，何如滅之。⑨唐初都何處。⑩唐代共若干主，若干年。

第九課 五代

起後梁太祖元年至宋太祖元年凡五
十三年（西歷九〇七至九五九年）

後梁

〇七至九二三年（西歷九〇七至九二三年）

後唐

三十四至九三六年（西歷九三三至九三六年）

後晉

三十一至九四六年（西歷九三六至九四六年）

本課地名
見第四圖

朱全忠篡唐國號梁為五代首惡。不旋踵，李存勗起而代之，改號唐石敬瑭，復借契丹兵滅唐而自立，號曰晉。尋晉與契丹有隙，復為所滅。四十年而三易姓，可謂促矣。

釋義

朱全忠篡奪了唐之帝位，改稱國號為梁，可算是五代第一個罪魁。沒有多時，李存勗把梁滅了，代他為帝，仍改國號為唐。後來石

敬塘又去借了契丹的兵，滅了唐。唐自稱爲帝，國號改作爲晉。末了晉和契丹也發生惡感，就被契丹滅了。四十年之中，換了三個國姓，年代可稱短促極了。

朱全忠

原名溫，徐州碭山人。初從黃巢爲盜，巢敗，降唐，賜名全忠。以破秦宗權，拒李克用功，累官至四鎮節度使，封梁王。昭宗時，

韓全誨既誅，全忠挾帝還長安。尋遷洛陽而弒之，復弒昭宣帝而自立。

國號梁，更名晃，都汴州（今河南開封府）。復遷洛陽（河南河南府，

（東距開封三百餘里）。據有七十八州，卒爲子友珪所弒。在位五年，

廟號太祖。（參閱上課注）友珪既弒，父自立，一年，太祖第三子友貞，

討友珪誅之，卽位於大梁（卽汴州），更名鏐，又更名瑱。及李存勗大

破梁軍，汴京陷，帝登建國樓，不欲死於晉之刀鋸，令皇甫麟殺之，麟亦

自殺。在位十年，號曰末帝。

李存勗

克用子，小名亞子。克用西域突厥種，世居沙陀磧。黃巢陷京師，克用率沙陀兵大破

之，功稱第一，封晉王。與朱全忠有隙，將死，授存勗以三矢，曰：必報梁、燕

契丹之仇。既嗣位，北却契丹，東滅燕，又滅梁，還矢太廟。後驕恣，荒於政

治，伶人郭從謙謀反，中流矢死。廟號莊宗，在位四年。莊宗被弒，養子閔源嗣立。爲人純實，寬仁愛人。卽位後，減罷宮人伶官，廢內藏庫，百姓賴以休息。及病，秦王從榮作亂，伏誅，帝飲恨死。廟號明宗，在位八年。繼明宗者閔帝從厚，卽被弒。末帝從珂，禪位於晉而亡，在位二年。

石敬瑭

出於西夷，爲後唐明宗婿。契丹侵境，敬瑭屯忻州，末帝疑之，敬瑭遂拒命，求救於契丹。契丹立爲帝，帝稱契丹爲父皇帝。

割幽薊十六州與之。契丹南下，後唐主自焚死。敬瑭入洛陽卽位，國號曰晉，遷都汴州。在位八年崩，廟號高祖，兄子重貴嗣。出帝重貴卽位，與契丹絕盟。楊光遠誘契丹南下，帝自將禦之，契丹敗走。尋大舉南侵，執帝以歸，封爲負義侯。國亡，在位三年。

設問

○何謂五代。○五代之首惡爲誰，其歷史可得聞乎。○梁共幾主，爲誰所滅。○唐莊宗何如與，傳幾世，爲誰所滅。○晉何如與，凡幾主，爲誰所滅。

第十課 五代續

後漢

四年（西歷九四七至九五〇年）

後周

九年（西歷九五一至九五九年）本課地名見第四圖

契丹既滅晉所至見抗，知中國人心不附，難與久處，遂棄汴而北歸。劉知遠乘機而起，以主中國，號曰漢。四年，郭威代興，改號曰周二。傳而禪於宋，五代之局乃終，歷年五十有三。

釋義

契丹滅晉之後，到處被人抗拒，知道中國人心不服，不能長久居留，就棄了汴京，仍舊回到北方去了。劉知遠便趁這個時機，起做中國的主人了，取國號曰漢。那知只過四年，將軍郭威被軍中人擁戴，代為天子，改稱國號為周。又過九年，傳至三代，帝位又禪於宋太祖，五代的

時局乃告終了，共計五十三年。

劉知遠

沙陀部人，從晉高祖起兵，有佐命功，封太原王。及出帝時，常憤憤下視晉契丹，侵晉不赴難。及契丹滅晉，諸將勸進，於是

即帝位於晉陽，改名高都汴，在位一年崩。子承祐嗣，信郭允明等，殺諸大臣，遣使殺郭威、威反，允明遂弒帝而自殺。在位三年，諡隱。

郭威

堯山人，少賤，仕漢為鄴郡留守。劉知遠稱帝，威建策最多。隱帝弒，奉漢太后詔迎漢主從弟贊即位。會遼兵入寇，太后命威擊

之。至澶州，將士大噪曰：天子須侍中自為之，裂黃旗以被之。因擁南行，廢贊即大位，碎漢宮中寶玉器曰：凡為帝王，安用此物。恤民隱，絕貢獻，善政班班。在位三年崩，是為太祖。養子柴榮嗣，勵精圖治，取秦隴，平淮右，復三關，威武之聲，震懾華夏。暇則召儒臣讀前史，商榷大義。廢天下佛寺三千三百三十六。時中國乏錢，詔悉毀天下銅佛像以鑄錢。在位六年崩，是為世宗，亦稱柴世宗。子崇訓七歲即位，立八月，遜位於宋，諡恭。五代十三君，賢者獨推後周世宗為最，太祖次之，其餘俱無足稱者。

設問

○繼晉而主中國者誰。○漢共幾年，為誰所滅。○周興，頗有善政否。禪位者誰，禪位於誰。○五代共若干年，若干主，最賢者為誰。

第十一課 十二國

本課地名
見第四圖

唐末及終五代之世，藩鎮之割據而自立者，十有二國，曰吳、南唐、前蜀、後蜀、南漢、北漢、楚、吳越、閩、南平、岐、燕及宋興，或降或滅，天下復一統。

釋義

自從唐朝末年，以及五代告終的當兒，一眾藩鎮割據一塊地方，自立為王的，共有十二國。即是吳、南唐、前蜀、後蜀、南漢、北漢、楚、吳

越南平歧燕。及到宋代與了起來，那十二國，有的來投降，有的被撲滅，天下從此復統一了。

吳

楊行密，字化源，合肥人。初為羣盜。昭宗時，為淮南節度。後封吳王。盡有淮南江東地。慎選守令，勤課農桑。及朱全忠弑昭宗，行密憤

而卒。子渥嗣。渥不道，徐溫遣盜弑之。立渥弟隆演。隆演立，徐溫專決

軍府事，盡取江西地。臣主同心，士民歸附。隆演死，弟溥嗣。溥即位稱

帝。已而徐溫養子知誥

功名日盛，溥遂遜位。

南唐

徐知誥，本姓李，徐州人。及受吳禪，復姓名曰李昇。喜書善射，不受尊

號，不用外戚宦官。節儉勤政，薄歛恤民。卒以惑道士言，餌靈丹殂。子

璟立。璟卒，子煜立。宋祖時，煜上表去國號。及宋師至金陵，煜遣使乞緩

師。宋祖曰：今天下一家，臥榻之

側，豈容他人鼾睡。不許，煜遂降。

前蜀

王建，字光圖，許州人。昭宗時，為西川節度使，遂有三

蜀。封蜀王。已而稱帝。建卒，子宗衍立。宗衍驕侈，山前穿渠，每乘船夜

歸，令宮女秉燭千餘，居前船却立照之，水面如畫。唐莊宗兵圍急，令翰

林學士李昊草表降莊宗族誅之。

後蜀

孟知祥字保胤邢州人莊宗時授西川節度封蜀王已而稱帝知祥卒子昶立。

昶奢侈以七寶裝溺器蜀政漸弛及宋命王全斌來伐被執乃降宰相李昊草降表前蜀降表亦昊草也蜀人夜書其門曰世修降表李家。

南漢

劉隱上蔡人昭宗時為清海節度有南海地隱卒弟巖嗣初臣梁既而曰今中國紛紛孰為天子安能梯航萬里遠事偽廷。

遂與梁絕稱帝國號越又改曰漢巖以白龍見改名夔又名夔巖音好奢。

麗性刻酷聚毒蛇水中投以罪人謂之水獄夔卒子玠立玠驕奢弟。

晟殺之而自立晟卒子鋹立鋹殘酷作刀山劍樹之刑又令罪人鬪。

虎抵象宋太祖伐之鋹降鋹性巧嘗以珠結鞍勒為戲龍狀至是獻宋。

太祖太祖曰鋹能以。

此治國何至滅亡乎。

北漢

劉昺本名崇後漢高祖弟實之父也周滅漢殺質昺遂據河東稱帝乞兵。

契丹上書稱姪契丹冊命之更今名助其兵伐周不克憂憤卒子承鈞。

立承鈞上表契丹稱男更名曰鈞以抱腹山人郭無為為相終鈞之。

世宋不加兵。鈞卒，子繼恩立，無為弑之，立其弟繼元。宋伐之，繼元降。

楚

馬殷，字霸圖，許州人。梁太祖封為楚王。殷遂據

潭湘及道桂象柳等州。殷卒，子希聲嗣。希聲卒，子希範嗣。希範卒，弟希廣嗣。兄希萼殺希廣自立。希萼荒淫，楚將徐威囚之，立其弟希崇。遷希

萼於衡山，衡山人復立之。希崇亦荒淫，降於南唐。

吳越

錢鏐，字具美，杭州人。昭宗時，為鎮海節度，遂有兩浙。梁太祖封

為吳越王，乃建國於杭。餽衛名稱，多為天子制，富庶盛於東南。年八十卒，子元瓘立。繼元瓘者，曰弘佐，弘琮，弘俶。先是鏐臨終，謂元瓘曰：子孫善事中國，勿以易姓廢事大禮。自鏐至弘俶，皆入貢賦稅，以是國不被兵。弘俶助宋攻唐，唐主煜與書曰：今日無我，明日豈有君，一旦明天子易地酬勳，王亦大梁一布衣耳。弘俶不答。宋太祖立，弘俶來朝，盡獻其地。太宗封為淮海王，發其總麻以上親，皆詣汴，卒如唐主言。後宋改封弘俶四大國，富貴令終。

閔

王審知，字信通，光州人。昭宗時，為節度。梁太祖封為閔王，寬刑薄賦，公私富足。審知卒，

子延翰立。未幾，弟延鈞弑延翰自立。延鈞為亂兵所弑，子繼鵬立，更名昶。已而叔延曦弑昶自立。未幾年，軍使朱文進又弑延曦自立。於是閩人殺文進，立延曦之弟延政。
於建州，國號殷。延政降唐。

南平

高季昌，字貽孫，陝州人。梁太祖時為荊州節度。唐莊宗封

為南平王，改名季興。季興卒，子重誨立。省荆、澧、夔、經、史、自、娘、重誨卒，保融嗣。保融卒，弟保勗嗣。保勗卒，保融子繼沖嗣。降於宋。

岐

李茂貞，本姓宋，名文通，博野人。以擊黃巢，破朱玫功，拜鳳翔節度使。賜姓名。後舉兵兩犯京師，加尚書令，封岐王。後唐改封秦王。子

從巖，嗣為鳳翔節度使。岐亡。

燕

劉守光，樂壽人。唐節度使劉仁恭之子。後梁乾化元年稱帝。李存勗伐之，擒其父子，凱歌

入晉陽，先斬守光，刺仁恭心血，以祭先王墓，然後斬之。燕亡。

設問

①何謂十二國，其興滅之史，可畧得聞乎？
②十二國中，最馴服而年最久者誰？
③最驕侈者誰？
④最殘酷者誰？
⑤與契丹聯盟者誰？

第十二課 宋

一百六十七年（西歷九六〇）至一
一二六年）本課地名見第五圖

宋太祖逢機邁會，以有天下。豁達大度，推心置腹，削平諸國，所向有功。弟太宗以太后顧命而立，三年收吳越，四年滅北漢，中國復一統，功亦偉矣。嗣君克紹，賢輔盈廷，惜乎新法行而羣賢貶竄，邊釁啟而徽欽蒙塵，疆域裂分，半爲胡有矣。

釋義

宋太祖趙匡胤，趁著率兵禦寇的機會，得了天下。太祖的爲人，很直爽而寬大，待人十分誠懇，削平許多小國，到處順利的。太祖死

後，他的胞弟匡義，奉杜太后的遺命，即了位，是為太宗。即位後第三年，收服吳越國，第四年，滅了北漢，中國復統一，功業也十分偉大了。繼續為帝的，頗多能人，賢臣幫助的也多。可惜後來神宗要行王安石的新法，把許多賢臣斥退了，邊疆上又起戰爭，徽宗欽宗竟被金人虜去，中國的疆域，從此又分裂，一半被胡人占去了。

宋太祖

宋一統之君九，太祖，太宗，真宗，仁宗，英宗，神宗，哲宗，徽宗，欽宗。太祖，趙匡胤，涿郡人。仕周為殿前都點檢，歸德節度使。

會契丹兵入寇，匡胤率兵禦之。至陳橋驛，將士大譁，入匡胤帳中曰：諸將無主，願冊太尉為皇帝。匡胤未及對，黃袍已加身。衆即羅拜呼萬歲，擁之上馬還汴，受周禪，即帝位。國號宋，在位十七年崩。

削平諸國

太祖既即位，以李處耘、王全斌、潘美、曹彬

為將，荆南、後蜀、南蜀、南漢、江南（即南唐）相繼平。（具見十一課注）

太宗

太祖弟，名匡義，後改光義，即位後改名炅，

輔太祖創業有功，封晉王。皇太后杜氏疾革，謂太祖曰：汝百歲後，當傳位光義，光義傳光美。（太祖幼弟）光美傳德昭。（太祖子）四海至

廣能立長君，社稷之福也。太祖泣曰：敢不如命。故崩，位不傳子而傳弟。太宗在位二十二年。

吳越北漢 十

一課

嗣君克紹

真宗立契丹入寇，帝親征和解。晚年欲以神道治人，信天書，封泰山禪社首，惑祥瑞，妖妄

如戲，制作紛紜。在位二十五年。仁宗恭儉仁恕，慎刑愛民，為有宋第一仁主。在位四十一年。英宗臨政，必問故事與古治所宜，凡有裁決

皆出羣臣意。表在位四年。

賢輔盈廷

時韓琦富弼范仲淹歐陽修司馬光呂公著等相繼輔政，盛極一時。

新法

神宗始用王安石，變更成法。於是農田水利青苗均輸保甲免役市易保馬方田諸役相繼並興，號為新法。天下騷擾，民怨日

深。神宗在位十八年。

羣賢貶竄

哲宗親政，建號元祐，相司馬光新法害民者次第更之，賢者接踵而起。及光卒

章惇蔡京等朋比為奸，復用新法，改元紹聖。以王安石為聖而紹述之也。元祐諸臣（即斥新法者）貶竄殆盡。籍司馬光等百二十餘

人爲奸黨，立石端禮門（名元祐黨碑）。自是朝上無一善人矣。哲宗在位十五年。

徽欽蒙塵

徽宗頗惑玩好，

極土木之奢。崇奉道教，自稱教主。任用蔡京、梁師成、李彥、朱勗、王輔童等，時稱六賊。專事掊斂，民不堪命。又與金師啟釁，金師深入，帝懼，傳位太子，自爲道君太上皇帝。在位二十五年。欽宗卽位，一年，金人陷京師，劫帝及上皇，與后妃等三千人北去。二帝先後崩於五國城。

設問

○宋太祖何以得興，其爲人何如。○宋於何代，始一統天下。○宋治最盛者在何朝，何以而稱盛。○宋衰始於何事，誰爲亂法之首。○新法有何名目，其目的何在。復行新法而最激烈者誰。○何謂元祐黨碑，議立碑者誰，其名首列黨碑者誰。○宋主惑於天書者誰，最崇道法者誰，最仁恕愛民者誰。○徽、欽二宗，如何蒙塵，崩於何處。○自太祖至欽宗，共幾主，幾年。

第十三課

南宋

一百五十三年（西歷一一二七至一二七九年）本課地名見第五圖

金人侵逼，高宗南遷。江左苟安，中原淪陷。終南宋之世，壯傑輩出，然君主庸懦，奸臣專國，遂致元人南下，華夏盡左衽矣。

釋義

徽宗、欽宗被虜了去，宋高宗便即位，因怕金人侵迫不休，乃遷都。在南方，他便安居江左，不想恢復故都，中原一帶地方就都失去了。當南宋的時代，英雄豪傑，先後出了不少，無奈主上都是昏庸懦弱，敢在奸臣操持國政，遂致蒙古人發兵南下，中國盡屬他們權下，竟與他們同化了。

高宗

宋偏安之主，亦九，曰高宗，孝宗，光宗，寧宗，理宗，度宗，恭宗，端宗，帝昺。高宗，徽宗，第九子，名構，初封康王。二帝北行，金人立張

邦昌為帝，國號大楚。已而邦昌迎康王，即位於應天（今河南商丘縣）。以京師未可往，巡幸江南，始駐揚州。時李綱為相，宗澤守汴，力圖恢復。然帝怯懦，為黃潛善、汪伯彥所惑，益南遷避敵，定都臨安。相秦檜殺岳飛，乞和於金，稱臣納幣，遂成偏安之局。是為南宋。在位三十六年。無子，傳位於孝宗。年八十一崩。

君主庸懦

孝宗初即位，銳志恢復，以符離之敗，與金復通和。光宗在位五年，稱疾

不親朝政。寧宗初受禪，引拔善類，未幾，韓侂胄用事，忠賢引去，復議與金。世為伯姪之國，增金幣，國體尤虧。理宗時，史彌遠用事，以兵助蒙古滅金。尋與蒙古兵連禍結，境土日蹙。度宗任用賈似道，有言邊事者，輒加貶斥，由是邊事日迫，無敢言者。恭宗四歲即位，元兵入臨安，執帝北去，封瀛國公。恭宗北去，陳宜中奉端宗即位於福州，又走潮州，卒入海，至七里洋而崩。帝昀即位於碭州，尋遷新會之崖山。元兵來襲，陸秀夫負帝入海死，宋亡。

壯傑

宗澤、張浚、韓世宗、岳飛、劉錡、文天祥、張俊、吳玠、吳玠、張世傑等，俱忠君報國，惜

爲權臣所阻。宋祚卒絕。（見第四冊）

奸臣

高宗時，黃潛善、汪伯彥、秦檜力持和議，阻止

恢復，殺岳飛、竄張浚，一時忠臣良將，誅鋤殆盡，和議遂成，是爲宋之第一罪人。賈似道以姊爲貴妃，累拜右丞相，專政。大小朝政，決於館客。

日與羣妾鬥蟋蟀。元兵迫建康，似道單騎奔揚州，爲鄭虎臣所殺。韓侂胄以策立寧宗功，專弄威福。朱熹、彭龜年等，以言侂胄得罪者，多至

數十人，善類悉羅黨禍。侂胄欲立功名以自固，與恢復之議。一時羣小

阿附，勢焰薰灼。已而師屢潰敗，使北請和，金人以縛送首議用兵之臣

爲言，史彌遠乃議誅侂胄，函其首以送金人。彌遠代

其位，內結楊后弄權，專任僉壬，一時君子貶斥殆盡。

○宋主南渡者誰，都於何處。阻北歸恢復中原者誰。○南宋有一英

主否。○宋代不世出之壯傑爲誰。○宋代用事之奸臣爲誰。○南宋

何如亡。○南宋共幾主，幾年。

設問

○宋主南渡者誰，都於何處。阻北歸恢復中原者誰。○南宋有一英主否。○宋代不世出之壯傑爲誰。○宋代用事之奸臣爲誰。○南宋何如亡。○南宋共幾主，幾年。

第十四課

遼

○二百十九年(西歷九一七至一一二五年)

金

○一一五至一二三三年)

夏

○一百九十六年(西歷一一二七至一一三二至一二二七年)本課地名見第六圖

中國與北胡為鄰，自遼建國而後，亡魏滅晉，邊患頻仍。及金代遼而起，侵宋虜帝，釁隙尤深。夏則叛服無常，終與金同併於元，漸啟蒙元一統之局。

釋義

中國的北部，接近胡地，自從遼人（即契丹）建國之後，把北魏

及後晉滅亡了，時常寇擾中國的邊疆。及金人興起，滅了遼國，也來侵畧，虜了二帝去，仇恨更深了。今陝西一帶，當時是夏國，夏人時而反叛，時而來服，沒有一定。結果，夏國和金國都被元人併吞去，漸漸開了蒙元一統中外的時局。

遼

遼本鮮卑遺種。元魏時始號契丹，姓耶律氏。首建國者阿保機，改名億，與後梁同年稱帝。破室韋諸部，伐河東河北，畧地至薊。因以僞師討東北諸部，及女真之未附者。於是東自海，西至流沙，北絕大漠，幅員萬里，威震朔方。廟號太祖。子突欲讓位於德光。德光立，突欲浮海歸唐。明宗甚優待之，賜姓名曰李贊華。已而德光滅唐立晉，復滅晉。廢帝以北，改國號遼。突欲子阮立，述軌殺之。德光之子璟繼立，嗜酒無度。周世宗伐之。阮子賢立，與宋太宗戰於高粱河。子隆緒冲年踐祚，政歸蕭太后。復號大契丹。宋真宗時，大舉入寇，立澶淵之盟。子宗真嗣，乘宋有西夏之擾，要求關南地，富弼說之，和好復定。子洪基嗣，酷好浮圖，歲齋僧三十六萬，復國號遼。侵宋，宋使韓縝割地界之。孫延禧繼立，宋徽宗結好女真，相約來攻，取燕雲。延禧走夾山，謀奔西夏，為金人所擒。遼凡九世，共二百十九年。有五京，上京臨潢府，中京大定府，西京大同府，東京遼陽府，南京析津府（即今北平）。宗真之孫淳，即位南京（析津府），號北遼，傳定及雅里，世數不詳。億八世孫

大石因遼亡，建國於起思漫，又遷虎思，三十年而歿，號西遼，共五世，計八十八年。

金

漢金之先，古肅慎氏，漢曰挹婁，魏曰勿

吉，唐曰靺鞨，附高麗。五代時，在南者附遼，曰熟女真。在北者有白山黑水部，號生女真，不附遼。女真避遼主宗真諱，改女直。金太祖，姓完顏氏，名阿骨打。苦遼凌暴，檮面慟哭，告戒軍士，指鞭渡江，兵止三千七百。人乘風縱擊，大敗遼師。兵始滿萬，即稱天子。謂遼以賓鐵（鐵之精者）為號，取其堅也。賓鐵雖堅，終亦變壞，惟金不變不壞，金色白，完顏色尙白，况居金水之上，於是國號金，更名旻。旻與宋徽宗連師伐遼，遼奉表降。弟晟嗣，擢鋒陷陣，所向無前，竟至中原，執徽欽北去，尋卒。阿骨打孫亶繼之。嗜酒，從弟亮殺之自立。亮遷都於燕，弑母叔，殺宗室靡遺，淫亂至甚。時議南征，有一立馬吳山第一峰一之吟，分軍入寇，鉦鼓之聲不絕，猶曰一看花洛陽。一尋被殺。阿骨打之孫雍，已先稱帝東京，改元大定。喜詩書，務儉約。宋孝宗與之和，稱姪不稱臣。孫璟繼立，宋韓侂胄來伐，會兵於汴，宋師敗績。是時蒙古鐵木真崛起稱帝。雍

子允濟立，胡沙虎殺之。環之兄珣立，乞和蒙古，許以公主。珣子守緒嗣，國日以削，奔蔡。宋兵助元進攻，城且陷，守緒謂侍臣曰：「吾爲金紫十年，人主十年，自知無大過惡，死無恨。所恨者，與自古荒淫暴亂之主，等爲不國，獨此介介爾。」未幾城陷，守緒自縊幽蘭軒。傳位東面元帥承麟，卽爲亂兵所殺。宋將割守緒首，埋於大理寺獄，以報伐宋之恨。時理宗端平元年也。金自阿骨打至承麟，凡十世，計一百十九年，亦有五京。上京會寧府，東京遼陽府，北京大定府，西京大同府，南京開封府。

西夏 創自李元昊。其先拓跋思忠討黃巢有功，賜姓李。元昊祖繼遷始大。父德明受封西平王，元昊襲封，僭稱大號。擾動西邊，併諸羌十四州，自製番書，猖獗特甚。宋狄青奮擊，范仲淹書諭，元昊遂稱男，宋仁宗冊爲夏主，更名囊霄。傳子諒祚，爲契丹所殺。子秉常嗣，將三十萬衆，勝宋李憲五路之師，兵威大震。子乾順結婚於遼，遼亡，入貢於金。子仁孝承多難之後，土地瓜分。傳子純祐，其弟安王殺之自立，請降於元。族子遵頊繼之，傳子德旺。德旺卒，睨卽位。

一年，降於元而夏亡。自元昊至
至峴，凡十世，計一百九十六年。

設問

①遼金同屬北胡，同姓同地否。②遼之建國者誰，初號為何，何時改號為遼。③遼之寇宋若何。④遼滅於誰，共幾年，幾京。⑤何謂北遼，何謂西遼。⑥金屬何部，何謂熟女真，何謂生女真，女真何故改稱女直。⑦金之首建國者誰，何時併遼。⑧金之與宋如何，虜徽欽者誰，其國內政如何。⑨金滅於誰，共幾世，幾年，幾京。⑩夏何姓，何時始大，對於宋如何，對於遼如何，對於金如何，卒滅於誰，共幾年。

第十五課

元

○自太祖至世祖一統七十四年（西歷一二一〇至一二七九年）◎自一統至順帝北走八十八年（西歷一二八〇至一三六七年）◎本課地名見第七圖

元太祖鐵木眞崛起，傳四主二后而至忽必烈，乃滅宋而混一寰區，可謂雄矣。嗣統之君，勤政愛民，崇儒求治者，一二見之。而荒淫佞惑，奪位攘權者，前後相繼。及順帝臨御，羣雄四起，全國鼎沸。朱元璋逐胡北歸，六合復慶同春矣。

釋義

元太祖名鐵木眞，原是蒙古人。他出處還在遼國的北，竟崛然興起，傳了四個帝主，兩個女后，纔生忽必烈。忽必烈勢力更大，竟滅

了宋朝，把中國外國混合了成爲一統，可稱一代的英雄了。繼續爲帝的，勤行政事，愛惜百姓，尊崇讀書人，講求治安的，却有幾個。然而荒唐淫蕩，迷信佛法，爭權奪位的，倒是多數。及順帝卽了位，許多英雄四面起事，全國擾亂，好像鼎內的沸湯一樣。末了，朱元璋把他們一齊驅回北方，中國復享福，有如寒冬交了春令一樣。

元太祖

未一統，四主二后。太祖鐵木真，太宗窩闊台，后乃馬真，定宗貴由，后海迷失，憲宗蒙哥。一統者十主，世祖忽必烈，成宗

鐵木耳，武宗海山，仁宗愛育黎拔力八達，英宗直德入刺，泰定帝也孫

鐵木耳，世宗和世疎，文宗圖帖睦爾，憲宗懿璘質班，順帝妥歡帖睦爾。

太祖，蒙古人，姓奇握溫，名鐵木真，號成吉思罕。起於斡難河，用兵如

神。滅國四十，平西夏，定西域，遂稱大號。子窩闊台嗣，滅金，國勢愈昌。

窩闊台歿，六后乃馬真稱制。越四年，立子貴由，母后臨朝。貴由三年歿，

后海迷失復稱制。又二年，拖雷之子蒙哥，（鐵木真之孫）爲衆所推。

嗣位之後，屢立大功。始祖忽必烈，卽位後，定都燕京，改國號曰元。號中統。四年，改號至元。至元十六年，滅宋，一統中國。又東征日本，南征緬甸、安南、占城、爪哇等國。領土，包有亞洲及歐洲東部。疆域之廣，前古未有。性殘忍，在位殺人，不下一千八百四十七萬。承正統後十五年而崩。成宗立，任用賢相，除兩都之稅，罷安南之兵，斥賊汗官吏萬八千四百七十三人，審冤獄五千一百七十六事。憂國愛民，守成令主，在位十三年。武宗容受直言，任用西僧，毆者斷手，詈者截舌，亦云蔽矣。在位四年。仁宗克納嘉言，尊儒重士，有司奏大辟，必慘怛移時，孜孜圖治，號稱至盛。在位九年。英宗初立，御寶帶，罷張燈，減天下租賦，海內翕然望治。獨惑於輪廻，怒諫造佛寺，幸灌頂寺受戒，賜金巨萬，亦佞惑之甚者。在位三年，被殺。泰定帝省刑薄斂，進講通鑑衍義，貞觀政要諸書，亦治平之主。頌道經於宮觀，受佛法於帝師，富僧貧民，爲世所惜。在位四年。明宗被推立，反自漠北。文宗迎之，上璽綬，而帝暴崩。文宗有殺兄之嫌，未有所建，在位五年。寧宗七歲踐位，二月而殂。順帝

在位最久，朝綱蝟亂，國勢瓦解。猶造龍舟，製宮漏，進西僧，舞天鹿，荒淫無度，穢濁駭聞。及明兵至通州，夜半出關去，元亡。

奪位

攘權

元代十四主承襲之際，每相爭攘，以叔奪姪，以祖奪孫，內既立，外復擁戴他人，互相攻伐。強藩之相爭者亦數見，兵連禍結，帝

不能

羣雄四起

徐壽輝、陳友諒、明玉珍、韓林兒、張士誠、方國真、陳友定、徐壽輝、羅田布賈也。順帝至正十

一年，舉兵，紅巾為號，攻陷蕪黃，僭稱帝，國號天完。凡九年，其將陳友諒殺之自立。陳友諒，沔陽人，世為漁子。既殺壽輝，僭稱帝，國號漢。凡四年，與明太祖戰於鄱陽。明兵乘風焚其戰艦，友諒中流矢，貫顙而死。子理，奔武昌，復立為帝。凡四月，太祖親視師南昌，理遂嚙壁肉袒降。太祖憐之，封為歸德侯，後徙高麗，命善待之。明玉珍，隨州人，世農家，應徐壽輝招，授元帥。壽輝遇殺，珍自稱隴蜀王，尋僭稱帝，國號大夏。凡五年卒。子昇嗣，明太祖遣湯和等討之，昇面縛嚙壁出降，送至京師，封歸義侯。韓林兒，樂城人，父山童，潁州劉福通與其黨謀起兵，詭稱山童乃

徽宗八世孫，走海外得還，當主中國，建旆亦紅巾爲識。事覺，官捕山童殺之。子林兒逃入武安山中，福通陷潁州等處，衆至十餘萬，求得林兒，僭稱帝，據亳州。國號宋，福通自爲丞相。僭位十年，元兵來伐，林兒福通敗走，張士誠又遣呂珍攻之，福通敗死。明太祖挾林兒還金陵，曰：此楚義帝也，欲崇奉之，用劉基言乃止。又三年，林兒殂。張士誠，泰州白駒場民，第三人，士義士德士信，並以販鹽爲業。至正十三年，士誠起兵，陷泰州，據高郵，自稱誠王，國號大周。弟士德爲平章，分兵陷湖州松江常州諸路。已而請降於元，授太尉，求王爵不許，遂自立爲吳王，據姑蘇，士信爲丞相，凡十四年。士義先死，士德爲徐達擒於鎮江，不食而死。及明祖攻姑蘇，圍之甚久。士信在城，飛礮碎其首而死。士誠檻至建康，在舟中，閉目不食。至龍江（卽龍潭），堅臥不起。昇至中書省，相國李善長問之，不語。已而言不遜，善長怒，罵之，遂自縊死。方國真，初名國珍，一曰谷珍，黃巖人，世以販鹽爲業。順帝至正八年，與兄國璋等爲盜，叛服不常。張士誠據姑蘇，元患之，授真浙江行省參政，令擊士誠。士誠納款

於元、元命眞還治慶元、兼領溫台、盡有三郡之地。明祖定鼎、眞奉表乞降。至建康入見、賜第食祿終身。陳友定、一名有定、福清人。至正十二年、從討山賊有功、遂守汀州、進福建行省平章政事、兼守八閩、兵勢日盛。洪武元年、明祖命湯和、廖永忠進兵攻之、友定敗執、送京師、棄市。

朱元璋

見下課。

設問

①元起於何族、太祖爲誰、未入中國前共幾主。②元族始入中國者誰、其疆域之廣、稱爲前古未有者、何故。③元主中、崇儒求治者誰、荒淫佞惑者誰。④元代君主承襲之際如何、強藩如何。⑤元季叛亂者若干人、其事可聞乎。⑥元滅於誰、入中國後共幾主、幾年。

第十六課

明

二百七十六年（西歷一
三六八至一六四三年）

本課地名
見第八圖

明太祖以淮右布衣，倡師起義，十五年而成帝業，定鼎金陵，亦云盛矣。雖建文出走，永樂北遷，而賢嗣相承，四疆安輯。正統以後，奄寺弄權，迷信異術，黨人水火，誣陷忠良，以致流寇橫行，崇禎殉節，二百七十六年之祚，與之俱亡，而滿清以興。

釋義

明太祖朱元璋，本是淮右（即鳳陽）的一個布衣，他與兵起事，打了十五年仗，始得天下，登帝位，建都在金陵，可稱盛極了。他死

後，孫子建文帝卽了位，就被自己的叔永樂進逼而出亡。永樂接了位，又把京都遷到了北方去。國家遭此兩大變故，到底尙有賢能的子孫繼續下去，所以四方也很太平。自英宗正統以後，被太監把權作事，又迷信僧道的妖術。那朝臣學士，又各聯黨羽，互相傾軋，以致害死許多忠臣良士。從此盜匪橫行各省，進逼京城。崇禎帝無法可施，便自己弔死。那二百七十六年的國祚，也就此滅亡，而滿清就興起來了。

明太祖

明十六主：太祖洪武，惠帝建文，成祖永樂，仁宗洪熙，宣宗宣德，英宗正統，天順，景宗景泰，憲宗成化，孝宗弘治，武宗正德。

世宗嘉靖，穆宗隆慶，神宗萬曆，光宗泰昌，熹宗天啟，思宗崇禎。太祖姓朱，名元璋，字國瑞，濠州人。（今安徽鳳陽。）父世珍，母陳氏，生四子，帝最少。兒時，苦多病，父欲度爲僧，母不欲。年十七，值旱疫，父母三兄相繼病歿，乃遵先志，托身皇覺寺。逾月，僧乏食，俱散。帝游江淮三載，仍歸寺中。時郭子興起兵於濠，帝往歸之。子興卒，諸將奉帝爲吳國公，尋稱王。改元洪武。時元順帝至正二十七年也。自此舉兵四出，明年閏七月，徐

達進兵至通州，元主大懼，徘徊歎息曰：今日豈可復作敵欽！遂於是夜三鼓，元主及后妃太子，開建德門，出居庸關，走如上都。是月二十八日也。元亡。太祖愛民重士，頗多善政。鑒前代外戚宦官之禍，戒母后臨朝，禁中官預政。惟求治太急，嫉惡太嚴，誅戮功臣，株連尤衆，不無遺憾。在位三十年。

建文 太祖之孫，懿文太子之子，名允熲。性至孝，居父喪一年。太祖愛之，立爲皇太孫。既卽位，召用方孝儒等，典章制度，銳意復古。有告諸王謀不軌，帝用齊泰、黃子澄之謀，欲削除之。燕王卽舉兵反。京師陷，帝不知所終。在位四年。清乾隆元年，進諡惠。

永樂 太祖之第四子，名棣。因懼削除，舉兵，稱其師曰靖難。陷京師，卽帝位，遷都燕京。劉璟謂其百世後，逃不得一箇。

(篡)字。族滅侍講方孝儒，尙書鐵鉉陳迪、暴昭等，天下冤之。然卽真後，勤於求治，免田租，毀方書，求隱逸之賢，慎守令之選，逆取順守，亦貞觀之續也。廟號成祖。在位二十二年。

賢嗣相承 言仁宗宣宗也。仁宗繼成祖臨御，在位僅一年，一切仁政，班班

史冊。繼之以宣宗，一言一令，悉由舊章。不諱日食，不賀
騶虞，不信異端，不親闕寺。元首股肱，熙熙融洽，在位十年。

正統

以後

英宗正統時，宦官王振始用事。內治不修，邊疆不守也。先入寇，
振挾帝親征，遂蒙塵於土木。景帝以監國，改元景泰，嗣立。及

疾，英宗復辟，改元天順。憲宗時，以萬安、劉吉爲相，羣小盈廷，百度俱
廢。又以汪直爲腹心，李孜省、僧繼曉爲耳目。凡屬直諫，並謫遠州，天下
遂以言爲諱，而異術縱橫，羣奄噂沓。在位二十三年。孝宗弘治，仁孝
謙恭，君臣一心一德。且與張皇后琴瑟專一，尤爲古今所僅見。但好齋
醮，修寺觀，任內官貪婪，傳奉詔旨。在位十八年。武宗正德，寵任宦官
劉瑾，遂起八黨之名，謂弓馬鷹犬，無損萬機。又欲巡邊，徧觀宇內，滿朝
死諫，概加杖斥。卒以游蘇杭，泝湖湘，登武當而還，崩於豹房。在位十六
年。嘉靖一任嚴嵩父子，招權納賄，趙文華、鄒懋卿黨惡爲奸。卒以信
方士而殞厥身，在位十五年。隆慶初政頗可觀，然罪敢言直諫之臣，
不無遺憾。在位六年。萬曆十齡踐祚，諭王錫爵于慎行、葉向高等，共

濟時艱。後則納西士利瑪竇等，開西學之漸，亦明知遠識者也。然在位四十八年，不御朝者三十年，以致邊事日迫，國事日非，好逸好疑，不知振奮。光宗在位匝月，善政不勝書，忽以進女婢而崩殂，亦可惜矣。

天啟時，內外知有魏忠賢，不知有帝，而奉聖夫人客氏，表裏爲奸，楊漣參其二十四罪，言言刺血，帝不能察。南北正臣先後申疏，一時俱斥。逮爾留之際，又眷眷以任用忠賢爲囑，眞所謂至死不悟者也。在位七年。

崇禎敬天勤民，虛懷納諫。初卽位，卽除逆璫，智勇深沈之主也。然自萬曆以來，王綱久廢，元氣早消，良相名將亦已盡。賊李自成至，彰義門啟，帝鳴鐘集百官，無一至者，遂登萬壽山之壽皇亭自經。衣前書曰：朕薄德匪躬，上干天怒，然皆諸臣之誤朕也。朕死無面目見祖宗地下，去朕冠冕，以髮覆面，任賊分裂朕尸，勿傷百姓一人。時崇禎十七年甲申三月十九日也。

黨人水火

神宗時沈

一貫入相，御史孫丕揚、鄒元標、尙書趙南星等，與之相抗。時顧憲成講學東林書院，元標等附之，是爲東林黨議之始。一貫等遂立浙黨，更相

傾軋。其後復有齊楚黨與浙黨相連，以排東林，攻道學為事。時帝久不御朝，而黨人互居要地，水火相爭者垂五十年。

誣陷

忠良

魏忠賢用事，輒矯中旨，傾害公卿。諸不容於東林者，相率依附，稱義兒，結黨以擠東林。遂誣殺楊漣、左光斗等，其創籍遣戍者，

又數十人，善類一空。

流寇橫行

崇禎初，與秦中饑民合，嘯聚山澤。遂率

衆，攻永寧，殺萬安王。入洛陽，執福王，俎之。雜鹿肉食之，號福祿酒。尋陷西安，秦王遇害。遂稱王，僭國號大順，改元永昌。由昌平陷京師，官民勸進，表有一比堯舜而多武功，邁湯武而無慚德一之句。自成大喜，檄召百官朝賀。陞御座，輒目眩頭暈。自成之陷昌平也，朝廷飛檄，趣吳三桂入關。比入關，京師已陷。三桂乞師於清，而後長驅以入，大敗賊於一片石。自成狼狽還京，誅諸勳戚，率衆而行。太子二王，挾之而去。及滿清定鼎，自成兵敗，遇通城羅公山村人殺之。張獻忠，陝西膚施人，號八大王。初由河南掠江北，尋入楚，與羣盜羅汝才合，遂入蜀，又出走襄陽，焚

襄王府、執王殺之。拔鄜西東馳，焚皇陵樓殿，斫松柏三十萬株，殺守陵
 太監六十餘人。百姓盡斷一臂，男左女右。尋復入楚，破漢陽，直逼武昌。
 執楚王，掠宮中金三百萬。屠戮士民數百萬，浮尸蔽江而下。獻忠據王
 府，全楚俱陷，拆桂王府，至長沙，造偽殿。又遣將分入江西，已而入蜀，破
 重慶。瑞王合宮被難，每朝會，拜伏呼癸數十，笑所嗅者，引出斬之，名曰
 天殺。獻忠進陷成都，蜀王率宮眷沒於井，取丁壯萬餘，剝耳鼻，斷一手，
 馳徇各州縣，兵至不下，以此爲令。乃僭偽位，國號大西，僭元天順，設官
 分職。大索全蜀紳士，至成都，皆磔之。又懸榜試士，遠近爭赴，至則以兵
 擊之，凡二萬二千三百人，皆挾策而死，棄筆墨若邱塚。
 屠戮川人幾盡。會清兵至，斬獻忠於順慶之金山鋪。

設問

○明太祖起於何處，如何成帝業。○建文爲誰，何故出走。○逐建文
 者誰，遷都何處，其後政事如何。○永樂以後，曾有令主否。○明代之
 奄寺如何。○何謂東林黨，黨人之相爭如何。○滅黨而因之滅明者
 誰。○明代之流寇爲誰，其爲禍何如。○西學之進中國，始於何時，首
 輸西學者誰。○崇禎何如殉節，明共幾主，幾年。

第十七課

清

二百六十八年（西歷一六四四至一九一一年）本課地名見第九圖

滿洲太祖起自瀋陽。太宗承之，改號曰清。世祖乘隙而入中國，削平流寇，驅除明室，定都燕京。聖祖嗣統，平三藩，定朔漠，恤邇柔遠，朝野翕然。高宗則寬猛互濟，宏謀遠略，盛極一時。仁宗時，教匪猖獗，宣宗世，鴉片肇釁，文穆以降，內憂外患，紛至沓來。德宗則以外交屢失敗，力圖維新，而亂益以熾。於是漢族復起，一鼓而成中華民國。

釋義

清太祖開始起兵，克了瀋陽，就定都在瀋陽，國號滿洲。及太宗接了位，乃改稱國號爲清。世祖順治帝即位後，吳三桂來書乞師，便到中國，把流寇蕩平了，又驅逐了明代的宗室，遂建都在燕京，作中國皇帝了。聖祖康熙帝即位後，吳三桂尙之信耿精忠三藩謀反，蒙古喀爾喀等處，尙未馴服，康熙都去平定征服了。康熙體恤近的人，收服遠的人，朝上鄉下，都十分安樂太平。高宗乾隆卽了位，政治寬猛相濟，謀畧十分遠大，一時興盛至極。到了仁宗嘉慶時代，便有白蓮教作亂。宣宗道光時代，爲鴉片問題，與外人開戰。文宗咸豐穆宗同治以後，裡面外面的患難，一天多一天了。德宗光緒卽位後，因爲外交上屢次失敗，遂竭力謀算改行新政，無奈，阻力重重，反發生了許多禍亂。於是漢族（中國人）乘機起義，一舉手，便創成功今日的中華民國。

滿州太祖

滿洲二主，太祖努爾哈赤，太宗皇太極，入中國後十主，世祖順治，聖祖康熙，世宗雍正，高宗乾隆，仁宗嘉慶，宣

宗道光，文宗咸豐，穆宗同治，德宗光緒，宣統帝。太祖愛新覺羅氏，愛新者，金也。覺羅者，姓也。猶言金姓，蓋金之後也。金滅後，其遺族散居混

同江南北，共存三部，曰建州，曰海西，曰野人。建州境內，有滿洲部五，長白山部三。清室之先，滿洲部之一也。明神宗萬曆四十四年，（西歷一六一六年）太祖努爾哈赤始稱帝，定國號曰滿洲，一曰後金，侵伐無虛日，所向有功。熹宗天啟元年，克瀋陽（即今盛京，亦曰奉天），乃明及朝鮮蒙古接壤要區，即遷都焉。在位十一年崩。太宗皇太極嗣位，於崇禎八年，改國號曰清。十五年，清軍毀長城而入，自薊遼分道而下，直抵兗州，凡攻克八十八城。十六年，自山東還至近畿，屠掠一空，京師大震。是年八月，太宗崩，子福臨即位，是為世祖，以明年為順治元年。

順治甫六齡，多爾袞攝政，方議出兵，侵中國。值流寇長驅入北京，吳三桂乞師書至，遂於八月入北京而定鼎焉。

削平

流寇

見上課流寇條注。

驅除明室

福王由崧，神宗孫。北京凶問至，南京諸大臣史可法等，議立之。

改元弘光。順治二年，清軍破揚州，福王出奔，清兵追執福王於蕪湖，拘之江寧縣獄，尋送北京殺之。唐王聿鍵，太祖九世孫。南都已覆，張肯

堂等奉以監國，卽位福州。改元隆武。順治三年，鄭芝龍挾之駐延平，旋奔汀州，被戕。唐王聿錫，聿鍵弟也。隆武耗至，蘇觀生立之於廣州，改元紹武。逾月，廣州城陷，自縊。魯王以海太祖十世孫，杭州陷，錢肅樂等請王監國，移駐紹興，後復走台州。順治三年六月，清兵渡錢唐江，王航海，赴廈門，尋走南澳，返駐舟山。八年九月，舟山破，王航於海。十八年十二月，殂於臺灣。桂王由榔，神宗孫。順治三年八月，唐王戕於汀州。後，丁魁楚等奉之監國，駐肇慶，尋奔梧州，復回肇慶。卽帝位，改元永歷。十二月，清兵陷廣州，永歷復奔梧州，尋幸平樂。四年正月，奔桂林。三月，幸全州。四年五月，駐驛武岡，以武岡爲奉天府。總兵劉承胤以奉天叛，永歷奔靖州、柳州、象州，還桂林，尋復駐驛肇慶。順治七年十一月，清降將孔有德破桂林。九年，永歷至安隆所，改安隆所爲安龍府。西寧王李定國扈永歷入雲南。十五年，清兵入貴陽，永歷出奔緬甸。十八年，緬人執永歷，送吳三桂軍中。三桂擁之至雲南，明年絞之於市，明終。

平三藩

康熙元年，進封吳三桂爲親王，鎮滇。時平南王

尙可喜鎮粵靖南王耿繼茂鎮閩各擁重兵握財權康熙十二年三桂反繼茂子精忠及可喜子之信叛應漢中隴右相繼陷上命岳樂等分道進討三桂僭稱帝於衡州上欲親征會三桂死孫世璠嗣遁還滇清兵遂復全楚進克雲南世璠自殺之信精忠亦伏法

定期

漠

征服蒙古喀爾喀西拓地千餘里與俄定尼布楚界約東北數千里地盡隸版圖

恤邇

聖祖卽位卽停止

各省巡按差豁免各省田賦增加餉練蠲通賦禁非刑各省饑每發米數萬至數十萬石以振荒

柔遠

西教士湯若望

病故賜卹賜葬在南懷仁以修歷治正卒贈禮部侍郎賜諡勤敏詔各教士或留京任用或往各省布教時臣民之受洗者不下數十萬人而中國之天算及曆法極東方一時之盛

高宗

帝兩平準噶爾定回部再定金川靖臺灣服緬甸安南再降廓爾喀開四

庫全書館命纂一統志等書嘗東巡者一西巡者三南巡者五文德武功爲古今罕臨御六十年傳位太子自稱太上皇舉行千叟宴王公大

臣年七十以上者三千。嘉慶四年崩。

教匪猖獗

仁宗之世，白蓮教與天理教先後為亂。

宣宗

帝信任曹振鏞，振鏞素不學，每銜文，得試卷稍古雅者，輒不解，摘卷中一二破體字，抑下劣等，於是文體日頹，學術不振。又帝最厭言官言事，振鏞亦教以此法，遇章疏中有破體疑誤字者，摘出交部嚴議，於是科道相戒不敢言事。遂使三十年中，吏治日媮，民生日困，釀成內外兵禍。

鴉片肇釁

道光十九年，欽差大臣林則徐會同粵督鄧廷楨，飭令各西商繳納鴉片二萬數千箱，即於虎門外銷毀之。英

人不甘，直寇浙東，陷定海、寧波，至餘姚、膠沙而止。已而率艦北犯，侵入白河口，復調兵再陷廣東，更掠廈門，再陷定海、鎮海。二十二年，進陷乍浦、寶山、上海、鎮江，進逼江寧。朝廷遣使赴江寧議和，英索償金二百萬兩。開上海、廣州、福州、廈門、寧波五口互市，割香港，用敵國禮。

內憂外患

文宣二宗之世，內則髮匪、捻匪相繼為亂，外則英法聯兵北犯，俄國要求換約，國無寧日。髮匪○道光末年，

會兩廣大饑，花縣洪秀全起兵於廣西，據永安，號太平天國，自稱天王。從者皆蓄髮，故謂之髮匪。會文宗新卽位，秀全乃破武昌，東取江寧，以爲國都，號曰天京。更分兵北犯直隸、河南、南畧浙江。南北財富區，多爲所掠。曾國藩、左宗棠、李鴻章等，分道進攻。曾國荃更以死力撲南京。下之，秀全仰藥死，十餘萬賊聚衆自焚。秀全建號凡十五年，蹂躪十六省，所下六百餘城，淫掠焚殺，百姓死者幾二千萬人。捻匪○咸豐初，捻匪與髮匪相結，橫行皖、齊、豫間，同治七年始平。英法北犯○咸豐七年，會法教士被殺於廣西，英人遂糾法陷廣州。十年，議成，英法遣使北京簽約，中國礮擊之，戕殺外使。於是英法合兵二萬，陷大沽、天津，至通州，直犯京師。文宗奔熱河，命恭親王留守。英人焚圓明園，聲言將犯紫城，賴法使居間排解，事乃已。遂由恭親王主和，訂盟約，出償金一千二百萬，開登州、臺灣、潮州、瓊州、九江、漢口、天津、牛莊八口互市。割九龍山與英，許英法入內地游歷傳教。俄國換約○康熙與俄訂約於尼布楚（見上定朔漠條注）後，中俄相安者數十年。道光末，邊防漸弛，俄

遂乘機東畧，自黑龍江至朝鮮界沿岸，及旁近島嶼，悉建俄旗，據爲屬地。咸豐八年，始各派使臣，至愛琿結條約。自是黑龍江北，烏蘇里江東，地二千七百

外交失敗

一敗而失越南。○同治末年，法人陷越南東京。光緒八年，又入海防。

進陷河內。時以越南爲中國藩屬，中政府與法政府爭，攻法人於河內，敗之。十年，法人攻陷越南北寧府，進掠順化府。時天津已議和，諒山守兵，拒之敵戰，法人死傷甚多。法海軍遽攻臺灣，陷淡水，統帥孤拔死之。法人益憤，福州兵艦礮壘船廠，盡爲所破。於是天津復議和，以越南讓之。時光緒十一年，再敗而失朝鮮。臺灣澎湖。○光緒二十年，以朝鮮事，中日啟釁，中國大敗。美國出任調停，議訂和約，認朝鮮爲自主國，償款二百兆兩，割遼東半島，及臺灣澎湖子日。開沙市重慶蘇州杭州四口互市。二十九年十二月，至三十一年八月，日俄復交戰。結果，朝鮮盡歸日本。三敗而失膠州及諸要口。○光緒二十三年，德以二教士被殺，突率軍艦入膠州灣，登陸，逐戍兵，強租其地。已而俄租旅順口，英租

威海衛、法租廣州灣、均訂專約，以二十五年或九十九年為期。

力圖維新

自中日議和，喪疆失土而後，德宗憤

甚，銳意自強。二十四年夏下詔，嚴飭中外諸臣，實行新政。廢八股，改文武科制。詔各省府廳州縣，編立學堂，工商諸業，有能創新製者，予保獎及專利。汰冗員，簡兵額。百日間，維新之詔，聯翩而下，變法神速，有一日千里之勢。中外士民，條陳新政者，日數十上。

亂益

以熾

清廷之亂。○新政方行，京師謠言，謂新黨謀圍頤和園，傾害太后。太后乃幽帝西苑內之瀛臺，復聽政。誅楊銳、林旭、劉光第、譚

嗣同、楊深秀、康廣仁六人。大臣徐致靖等，分別治罪。預新政者悉罷之，凡數十人。京廷大亂。拳匪之亂。○光緒二十六年，拳匪以扶清滅洋為名，焚教堂，殺教士，教民無數。並毀鐵路，電報等局，劫商市，殺日本書記官杉山彬，及德國公使克林德。矯詔戮袁昶、許景澄、徐用儀等於市。復與亂軍合，環攻使館。各公使告急於本國，聯軍以起。英、俄、德、法、日、美、意、奧等八國，突攻大沽口，陷之。京師戒嚴。德宗乃奉太后西幸，命慶親

王留守。八月，京師陷。閏八月，太后幸西安，詔慶親王李鴻章與各國議和。各國索償賠款四百五十兆兩，罪庇匪諸臣，毀大沽礮臺及天津城。拓京師各使館界，各國駐兵京師護使館。仇敵各府縣，停試五年。凡要求十二條，悉允之。

漢族復起

初，光緒末

年，浙江山陰徐錫麟與同邑陳伯平、餘姚馬宗漢組織黃漢光復會。五月二十六日，殺安徽巡撫恩銘，劫軍械。兵至，三人先後被執伏刑。女士秋瑾在紹興任錫麟所組之大通學校校長，亦被捕，殺於郡城之軒亭口。株連者衆，女學界尤甚。（秋瑾爲其女友葬於西湖西泠橋畔，題碣曰：鑑湖女俠秋瑾之墓。宣統三年八月十九日，今歷十月十日。）武昌民軍起義，公推黎元洪爲都督。不二日，收復漢口、漢陽。攝政王遂引咎退職，以袁世凱爲內閣總理大臣。時清軍悉力攻漢口，陷之。然東南各省紛紛獨立，北方亦羣起應和。隆裕太后知人心已去，勢難久延，乃命袁世凱與民軍議和。清帝退位，民軍歲給四百萬爲皇室經費。議成，清室二百六十八年之帝統，遂以告終。

設問

①清起於何地，何人。與金有何關係，與元有何分別。②清之始入中國者誰，因何而得入。③清入中國之後，削平流寇，驅逐明室，其事可得聞乎。④何謂三藩，誰平之。⑤何謂喀爾喀，誰定之。何謂尼布楚之約。⑥聖祖之內政何如，其待西土何如。⑦何謂湯南，其時天算之學，在中國何如，天主教之在中國何如。⑧高宗之雄謀大略，可聞一二否。⑨嘉慶時，教匪之禍，道光時，鴉片之戰，可畧述否。⑩何謂髮匪，曾陷幾省，百姓死者若干，終爲誰撲滅。⑪何謂捻匪，爲誰所敗。⑫英法之北犯，因何而起，中國因之何失。⑬俄之換約，中國何失。⑭越南失於誰，朝鮮何時脫中國範圍，臺灣澎湖何如，日本治下，膠州何如，入德人掌握。⑮光緒之維新如何，維新之業何如敗。⑯拳匪之亂如何，中國有何損失。⑰漢族何時復起，何如光復中國。⑱清共幾主，幾年。

第十八課 中華民國

本課地名
見第九圖

民國肇興，開中華新大紀元，國民喁喁向治。乃未幾，黨爭紛起，二次革命以興，洪憲變制，復辟之亂繼作。尋以國會解散，南北分裂，內訌既劇，外寇益強。於是革軍北進，統一治權，清黨奏功，國基以固。際此建設時期，執政者協力同心，共造人民幸福，民國無疆之祚，其在斯歟。

釋義

民國興了起來，光復中國的天下江山，歷史上添了一個又新又大的紀元，全國的民衆，都像魚的模樣，落開了口，希望太平了。不

料沒多時，起了各種政黨，大家爭奪，就起了第二次的革命。後來袁世凱想要改復帝制，定了洪憲年號，張勳輩則想召還清帝，解散國會，就此又起了兩次大亂。繼而段祺瑞組織新國會，張勳解散的舊國會人到了南方，又組織一個國會，從此南北分作兩政府了。中國內部如此擾亂，外面的敵寇自然也一天強盛一天。是後革命軍向北進來，統一了政治的大權，又把共產黨掃清了，國家的基本方始堅固。當此建設憲政的時期，只要政府諸明公戮力同心，公共造作民衆的幸福，則吾中華民國的福祚，可保至於無窮盡了。

黨爭紛起

民國初立，衆推孫文爲南京臨時總統，黎元洪爲副總統。元年二月十三日，孫文辭職，十五日，袁世凱當選爲

大總統，仍舉黎氏爲副總統。是時國都地點問題，南北爭持甚烈。四月五日，參議院議決，臨時政府移於北京，孫文解職，南京臨時政府告終，自是政黨紛起。○曰同盟會統一共和黨，共和建設討論會統一黨憲友會（旋改國民協進會）民社，凡六黨。○已而同盟會統一共和黨。

合而爲國民黨建設會爲民主黨統一黨之一份子，與憲友會、民社、合而爲共和黨，與原有之統一黨、凡四黨。③又進而民主黨統一黨、共和黨、合而爲進步黨，與原有之國民黨、凡二黨。④是後國民黨復分爲超然社、相友社、集益社、潛社、國民黨、政友會、進步黨，則分爲憲政公會、共和黨、進步黨、公民黨、凡十黨。⑤末則超然社、相友社、集益社、潛社、與憲政公會，合而爲大中黨、國民、共和、進步、三黨之一份子，合而爲民憲黨，與原有之國民黨、政友會、共和黨、進步黨、公民黨、凡七黨。黨人時離時合，互相水火，政治之不行，戰爭之頻起，國會之解散，南北之分裂，皆由黨爭所致也。

二次革命

初二年三月二十日，國民黨重要人物宋教人在上海車站被刺，羣認爲總統袁世凱所密諭，國民黨始大譁。繼於是年四月，政府與五國銀行團英、法、德、日、俄定借款條約，債額二千五百萬磅，國民黨抗爭之不稍讓。及七日，復發現政府有擅借與款案，國民黨愈憤，提案彈劾。於是黨人與政府積不相容。既而黨系江西都督李烈鈞、安徽都督柏文蔚、廣東都督胡

漢民相繼免職。於是李烈鈞舉兵湖口，黃興入據南京，安徽、廣東、湖南、福建相繼而起，號曰討袁軍。並遣冷遜扼守徐州，陳其美在滬舉兵，圍攻製造局，一時聲勢頗浩大。政府乃命段芝貴統第一軍，馮國璋統第二軍，南下討伐，號曰國軍。尋南京革命軍內訌，徐州軍退走，李烈鈞湖口之軍亦潰散，陳其美攻製造局不利，逃遁。八月十八日，國軍入南昌，江西安徽全定。南京何海鳴與國軍血戰十餘日。九月一日，張勳率江防軍入南京，亦定。廣東陳炯明、湖南譚延闓、福建孫道仁、四川熊克武相繼撤消獨立。二次革命，因之烟銷。

洪憲變

制 袁世凱蓄意帝制已久。二次革命後，異己者既已剷除，於是密使總統府顧問官美人古德諾，著一改變國體論，一倡中國適於君主之說。參政楊度亦有一君憲救國論，一與其黨組織籌安會，召集國民代表大會。於十二月十一日開會，全體一致擁戴今大總統為皇帝。十二月十二日，袁氏申命，承認為皇帝。十三日，在居仁堂受朝賀，改明年為洪憲元年。其時前雲南都督蔡鍔潛出京，說督理雲南軍務唐繼

堯通電、反對帝制、宣告獨立。袁氏乃出兵、而各省亦紛紛獨立、反對帝制之聲、遍於全國。既而出伐之師俱不利、政府計窮、遂於三月十二日、申令、撤消帝制。袁氏仍爲總統、抑鬱生疾、六月六日、亡於新華宮。計洪憲稱帝、不足八十三日、故俗有八十三日皇帝之稱。

復辟之亂

袁總統病故、黎元洪代理大總統、召張勳入京。六月七日、張勳率軍五千北上。康有爲以保皇黨首領、與張勳

謀復辟事。謀定、七月一日晨三時、張勳等數十人入清室、奏請復辟。當發布上諭、宣布復辟理由、擁宣統重行聽政。一切制度、悉如前清舊規。一時龍旗遍布、復辟告成。是日、黎總統通電各省、迅卽出師。各省通電應之、公推段祺瑞爲總司令、號討逆軍、兩路進攻。復辟軍不支、多繳械投降。張勳乃走入荷蘭使館、復辟要人紛紛逃亡。於是復辟一幕、十餘日而告終。

內外分裂

復辟之亂既息、

黎元洪引咎退職。八月一日、馮國璋代理大總統職務、段祺瑞復內閣總理。段閣既成、舊國會已爲張勳迫令解散、故組織臨時參議院以代

之。於是國會議員，自行召集於廣州，開非常國會組織軍政府，舉孫文為海陸軍大元帥。於是北軍進攻，以湖南為戰爭焦點，演成南北未曾有之劇戰。號曰湘戰。亦曰護法戰爭。自是臨時參議院組織新國會並組織安福俱樂部（在宣武門安福胡同，故名），以操縱選舉。南方之非常國會設政務會議，舉國務總裁七人，續開正式國會。於是南一國會，北一國會。南一政府，北一政府。十年一月十二日，廣州國會更舉孫文為大總統。至此，南北復有兩總統矣，分裂益甚。

內訌

南北分裂之後，內部交訌不已。北有直皖直奉之戰。南有滇粵

粵桂之爭。間之以湘鄂川鄂之鬩，江浙之戰。終之以反直戰爭。奉國戰爭。更起迭仆，國家元氣大傷。

外侵

自來中國之恥，

莫甚於日本要求二十一條（共分五號，故名曰五號二十一條）。初，民國三年六月，歐洲大戰起，日本令德人無條件交付膠州灣於日本，以還中國。德人不應，日本乃三路進兵，英人助之，會攻青島。德人以衆寡不敵，遂於十一月十七日，以青島降服於日。英聯軍，膠澳由日本佔

領戰事既畢，四年一月七日，中國照會日英公使，請求撤除山東駐兵。日本不應，且逕向總統袁世凱提出五號二十一條之要求案。竟於五月七日，向中國提出最後通牒，聲明原案第五號，除福建條外，允行取消，其餘悉如原案。政府不敢反抗，乃於五月九日午前，覆書承認，乃成

五九莫大國恥

黨軍北進

民國二年，袁世凱下令解散國民黨後，追繳議員證書及徽章者，凡四百三十八人。自

是以後，黨事屢起屢滅。迨陳炯明叛孫，（民國十一年）黨務幾掃地以盡。時孫文走滬，會蘇俄代表優林到滬，因有一聯俄「一容共」提攜革命之協定。「聯俄」以得餉械經濟之援，「容共」以得人力之助。實現其一「三民主義」，改組國民政府，以達其一「以黨治國」之夙願。十三年十二月四日，孫文由日本抵津，翌年三月十二日，以肝疾逝於京師。是年，胡漢民召集會議，改組國民政府，以汪兆銘為主席。先是粵政府命蔣介石在黃埔地方組織軍官學校，成立學生軍。國民政府既成立，蔣組織黨軍為軍長。於是汪代表共派，蔣代表國民黨。八月，汪

蔣以俄人鮑羅廷爲外長。十五年三月二十日，共派汪兆銘託病出洋，共產派之將校，全都退出黃埔學校，於是蔣操軍事全權。八月二日，黨軍入岳州。十月八日，唐生智入武昌，於是黨軍有武漢。十五年九月十九日，黨軍入南昌。十一月四日，江西全入黨軍之手，蔣介石坐鎮南昌，以爲各路策應。十二月十八日，周鳳岐宣言就黨軍二十五軍軍長，黨軍不戰而入杭州。十六年二月十八日，黨軍再入杭州，孫軍沿滬寧路撤退。是時滬上總工會宣言罷工，爲黨軍聲援，海軍楊樹莊亦投黨。三月二十二日，黨軍白崇禧入上海。二十四日，黨軍程潛部入南京。蔣介石亦由蕪湖過寧。二十七日，抵上海，制止工黨過激運動。五月二十四日，蔣介石出席軍事委員會，提議出兵北伐。六月二十一日，蔣與馮玉祥宴會，討論北伐，決定聯合進行。於是北伐軍出。八月十三日，蔣氏突然下野，孫魯軍復下，江北徐魯間相持數月。十七年一月三日，蔣氏復職，軍事復振。六月六日，北京始懸青天白日旗，張作霖出關遇難，民國復告統一。

清黨

黨軍以三萬之衆，不滿半載，統

有東南、固由軍事得手，亦由政治部宣傳有力。政治部中，多共產分子，見蔣介石大權在握，名位日尊，思有以除之。乃於十六年四月十六日，武漢政府發表，著免蔣之本兼各職，并開除黨籍。蔣於十八日，在寧組織國民政府，以驅共爲號召，一緩一急，和唐生智，一方聯絡馮玉祥、武漢陷於孤立，乃由汪兆銘主持，由左向右，共產過激分子，驅之出境，鄧演達、蘇兆徵、林祖涵、詹大悲先後辭職。七月十五日，鮑羅廷赴牯嶺，二十七日，由陝甘返國。十二月二十一日，共產黨乘機起事，由蘇兆徵等指揮，佔領廣州，組織蘇維埃政府，旋爲李福林所擊散。於是黨政府認蘇俄有煽共嫌疑，十二月十五日，下令所屬各地，蘇俄領事，一律撤消。蘇俄在各地所營商業，一律勒令停止。從此共跡稍斂，雖未能完全剷除，而黨國根基益固矣。

設問

① 中華民國之庶政不行，戰禍紛起，根由何在？
② 國初之政黨名目，可畧述否？
③ 何謂二次革命，因何而起？
④ 袁氏之帝制，何如而成，何

如而敗，稱帝者幾日。⑤復辟之亂，何日而作，先後共幾日。⑥南北因何而分裂，分裂之情形何如。⑦南北分裂後，各種戰爭可畧述否。⑧何謂二十一條之中日協約，何謂五九國恥紀念。⑨革命軍何時始起，誰為首領，為何聯俄容共。⑩革軍之北進如何，出軍後幾月而統一東南，又幾時而統一中國。⑪國共之齟齬，因何而起，清黨之進行順利否。⑫執政者何如而可造民國，無疆之祚。

第二冊 總設問

(一) 南北朝以後，一統天下者若干朝。其興亡盛衰之理由，有異同之點否。異者何，同者何。

(二) 各朝衰亡之由，往往起於外戚內宦之弄權，其說可得聞乎。然如宋與

明之衰亡，尙有他故否，其故安在。

(三) 割據與偏安，有何分別。割據之原由何在。晉以後，割據國年長者若干，大概可久否。

(四) 中國帝王，好文學而著述宏富者誰。

(五) 中國帝王，以尙文修武而致盛治者若干。

(六) 中國帝王，自南北朝以至有清，淫暴無道者誰。以奪天下而殺人最多者誰。

(七) 中國女主有若干。其最殘酷，謀傾帝室者誰。

(八) 中國常有夷狄之患，自南北朝至宋，引進北胡者誰，受禍最烈者誰。

(九) 歷朝有藩鎮之變，其說可得聞乎。

(十) 歷代之衰，盜賊蠡起，其縱橫一世，滅國禍民者，不一其人，可略舉一二否。

(十一) 中國自漢以來，有佛老二教，帝王之佞佛奉道，爲史所譏者誰。以佛老而興其國，長其祚者，曾有一人否。以胡族而不信胡神，盡毀境內寺廟者誰。

(十二) 首創灌輸西學者誰。西士曾居顯職者誰。天主教始盛於何時。

(十三) 鴉片之戰，天下所共非。自此以後，中外常有戰爭，可畧舉其始末否。


(十四) 近日中國強隣之患，莫甚於日俄日之恥。吾中國者，以何事爲甚。俄之害吾中國者，以何事爲大。民國之對日如何，對俄如何，試分別言之。

第二冊終

域疆朝北南


圖一第

高級小學歷史課本... 第二冊... 第一圖... 南北朝疆域



隋代疆域


第二圖



高教小學歷史課本... 第二冊... 第二圖... 隋代疆域

唐代疆域


第三圖



高級小學歷史課本... 第二冊... 第三圖... 唐代疆域

國二十代五


圖四第




宋 代 疆 域

第 五 圖

高級小學歷史課本... 第二冊... 第五圖... 宋代疆域




遼金夏 第六圖



元代疆域

第七圖

高級小學歷史課本... 第二冊... 第七圖... 元代疆域



九九

明代疆域


第八圖




高級小學歷史課本... 第二冊... 第八圖... 明代疆域

一〇〇

清代疆域圖 第九



高級小學歷史課本... 第二冊... 第九圖... 清代疆域



右圖·為教授歷代地理·及讀史者記取地名之用·列此為式

中華民國二十一年二月再版

版權所有

編纂者 徐家匯光啟社

印刷所 土山灣印書館

發行所 土山灣印書館

6

902133

